

錢士青先生著



地理辨正參解

古杭高豐題



地理辨正參解序


我國自孔聖發明六藝，其後諸子百家層見迭出，諸凡泰西聲光化電之學，無不自中華創始。關於勾股、天算、指南針等制作，流于海外，無論已。即飛機之術，早見于列子御風、奇肱飛軼之內，厥後失傳，禮失，反求諸野，殊爲可歎。蓋以始其事者，多守秘密而不公開，有作者而無述者，衣鉢不授諸人，廣陵散即絕響人間。堪輿其尤著者也，甚至父不傳其子，兄不傳其弟，以爲洩漏天機，恐遭天譴，殊不知堪輿爲人子葬親大事，亦爲家國興衰所關，果能大道公開，人人能趨吉避凶，則子孫忠賢，而國勢亦強盛矣。即個人受譴，亦何辭焉？况郭璞青囊、楊益天玉，何嘗有守秘密，而後世所謂守祕者，或僅一知半解，或因此道未精，欲藉此護其短，否則堪輿之學，實無守祕密之必要也。余爲葬親覓地，兩浙東西、大江南北，無不有餘之足跡焉。余初注重巒頭，以爲有天然之龍，即有天然之穴，亦即有天然之朝坐與水口，又何必拘拘於理氣？余所遇地師不下數十人，於理氣未精者，則置之不答，其中有精於理氣者，則暢言吉地葬凶，等於棄屍之理。余始購理氣之書，達百餘種，晨夕研究，覺得頭暈目眩，因其中此一是非，彼亦一是非，築室道謀，莫衷一是，何去何從？反不如以前，專注重巒頭，尚有頭緒也。堪輿一道，巒頭之理，大略相同，惟理氣有三元、三合之分，而三元之理，尤博大精深，如青囊、天玉等書，處處引用易理，

非深於漢學者不能明其字義，自蔣大鴻補傳，各家辦理更紛歧百出，有人云蔣氏爲郭楊功臣，亦有云爲郭楊罪人，各執一說，無從辨別，平心而論，蔣氏各書原理，亦有見地，惜其凡有未能瞭解之處，托言天機不可洩漏，以護其不能詮釋之短，於是後人妄加揣測，議論紛歧，反使原來精義盡失，此非蔣氏之所逆料也。今日精於三元者，莫不曰當運則吉，失運則凶，并以冬必衣裘，夏必衣葛，爲當運，反之冬衣葛，夏衣裘，爲失運，稽自黃帝八載，命大堯作甲子，至民國十三年甲子止，已有七十七甲子，如以六十年爲甲子一週，此係刻板文章，猶可說也，若以地球旋轉之理論之，其差度想必已多，苟無真確測算之法，安知今所謂上元之末，或已至中元之初，所謂當運、失運之理，亦因之不能真確，已足使人懷疑，如再加以守秘密爲戒，百世後，更恐此等哲學精義，湮沒不彰，與其注解，因廣泛而雜亂，使人望而卻步，何如反博爲約，以青囊經、青囊序、青囊奧語、天玉經、都天寶照經等爲主幹，而存地理辨正本來面目，其他各家之學說，刪去不列，以省爭議，如蔣氏傳中，有不能使人明瞭，或隱語過多者，稍爲說明之，俾符大道無私之旨，務使人人一目瞭然，名曰「地理辨正參解」，凡蔣氏不欲洩漏者，余爲之合盤托出，以示公開，惟鄙人識見有限，仍恐不無闕略之處，尙望海內賢達加以糾正，鄙人不過折衷論斷，提綱挈領，以導始發凡而已。 中華民國卅七年戊子夏日廣德錢文選士青甫敘於杭州山外山莊

錢氏地理辨正參解

廣德錢文選士青甫述義

男若洋恭校



卷一

青囊經

原本作黃石公授赤松子述義

所謂經者。猶醫家稱脈經。神仙家稱丹經。皆術家尊信所學而稱之爲經耳。此經上篇天依形。地附氣。宋邵子曾言之。下篇無極而太極也。句。宋周子濂溪載之於太極圖說。此經共三卷。上卷中卷晉郭景純唐邱延翰皆有命名。下卷文理與上中相類清雲間蔣大鴻平階爲作傳。此書行世。由來久矣。

上卷

古文作堪輿篇郭氏作氣篇篇丘氏作理原論今具制之

經曰天尊地卑。陽奇陰耦。一六共宗。二七同道。三八爲明。四九爲友。五十同途。闔闢奇偶。五兆生成。流行終始。八體弘布。子母分施。天地定位。山澤通氣。雷風相薄。水火不相射。中五立極。臨制四方。背一面九。三七居旁。二八四六。縱橫紀綱。陽以相陰

• 陰以含陽。陽生於陰。柔生於剛。陰德弘濟。陽德順昌。是故陽本陰。陰育陽。天依形。地附氣。此之謂化始。

傳曰

釋大端

此篇以無形之氣。爲天地之始。而推原道之所從來也。夫陽氣屬天。而實兆於

地之中。聖人作易。以明天地之道。皆言陰陽之互爲其根者而已。天高而尊。地下而卑。

然尊者有下濟之德。卑者有上行之義。一陰一陽。一奇一耦。其數參伍。所以齊一。

其形對待。所以往來。天地之匡廓。由此而成。四時之代謝。由此而運。萬物之化育。

由此而胚。夫此陰陽奇耦之道。隨舉一物。無不有之。天地無心。聖人無意。自然流露。

而顯其象於河圖。遂有一六共宗。二七同道。三八爲朋。四九爲友。五十同途之象。

聖人因其象而求其義。以奇者屬陽。而有天一、三、五、七、九之名。以耦者屬陰。而

有地二、四、六、八、十之名。而有一必有二。有三必有四。有五必有六。有七必有八。

有九必有十。所謂參伍之數也。此一彼二。此三彼四。此五彼六。此七彼八。此九彼

十。所謂對待之形也。天數與地數各得其五。此謂一成之數。而百千萬億無窮之數。由

此而推也。天數地數。各得其五。合二五而成十。蓋有五即有十。猶有一即有二。陰陽

自然之道也。故有天一。即有地之六。有地之二。即有天之七。有天之三。即有地之

八。有地之四。即有天之九。有天之五。即有地之十。此陰陽之數。以參伍而齊一者也。

• 易曰五位相得。蓋此謂也。而一六在下。則二七必在上。三八在左。則四九必在右。

五居中。則十亦居中。此陰陽之數。對待而往來者也。易曰五位相得。而各有合。蓋謂

此也。以其參伍而齊一。故一奇一耦。燦然而不替。以其對待而往來。故奇耦之間。一

闔一闢。潛然而自應。此生成之所從出也。天一生水而地六成之。地二生火而天七成之。

• 天三生木而地八成之。地四生金而天九成之。天五生土而地十成之。一生一成。皆陰

陽交媾之妙。二氣相交。而五行兆焉。降於九天之上。升於九地之下。周流六虛。無有

休息。始而終。終而復始。無一息不流行。則無一息不交媾。當其無而其體渾然已成。

當其有而其體秩然有象。聖人因河圖之象數。而卦體立焉。夫河圖止有四象。而卦成八

體者。何也。蓋一畫成爻。爻者交也。太始之氣止有一陽。○是名太陽。一太陽一交而

成太陰。一是曰兩儀。太陰太陽再交而成少陰。二少陽。二并太陰。二太陽。二是曰四

象。此河圖之顯象也。四象三爻而成八卦。三曰乾。三曰兌。三曰離。三曰震。三曰巽。


二曰坎。三曰艮。三曰坤。蓋即河圖每方二數。析之則有八。此河圖之象隱而顯者也。故卦之八。由於四象。爻之三。由於三交。乾坤二卦爲母。六卦爲子。此八卦之子母也。諸卦自爲母。三爻爲子。此一卦之子母也。以此分施造化。布滿宇宙之間。於是舉陽之乾爲天。對以陰之坤爲地。謂之天地定位。天覆於上。則地載於下也。此陰陽之一交而成天地者也。舉陽之艮爲山。對以陰之兌爲澤。謂之山澤通氣。山載於下。則澤受於上也。舉陽之震爲雷。對以陰之巽爲風。謂之雷風相薄。雷發於下。則風動於上也。舉陽之坎爲水。對以陰之離爲火。謂之水火不相射。水火平衡。形常相隔。而情常相親也。此三陰三陽之各自爲交。而生萬物者也。先賢以此爲先天之卦。伏羲所定。本於龍馬負圖而作。實則渾沌初分。天地開闢之象也。四象虛中而成五位。此中五者。即四象交氣。乾之眞陽。坤之眞陰。皆無形。而惟土有形。此土之下爲黃泉。皆坤地積陰之氣。此土之上爲清虛。皆乾天積陽之氣。而土膚之際。平鋪如掌。乃至陰至陽。乾坤交媾之處。謂水火風雷山澤。諸凡天地之化機。皆露於此。故中五者。八卦託體儲精。成形顯用之所也。故河圖雜書。同此中五以立極也。河圖雖有四象。而先天陽升陰降。上下初

分。未可謂之四方。自中五立極而後。四極劃然。各正其方矣。有四方之正位。而四維介於其間。於是八方立焉。統中五皇極而爲九。分而布之。一起正北。二居西南。三居正東。四居東南。五復居中。六居西北。七居正西。八居東北。九居正南。謂之九疇。此雖出於雜書。而實與河圖之數符合。天地之理。自然發現。無不同也。布其位曰戴九履一。左三右七。二四爲肩。六八爲足。其八方之位。適與八方之數均齊。聖人即以八卦隸之。而次其序曰。坎一。坤二。震三。巽四。中五。乾六。兌七。艮八。離九。此則四正四維。不易之定位也。數雖起一。而用實首震。蓋成位之後。少陽用事。先天主天。而後天主日。元子繼體。代父爲政也。易曰帝出乎震。齊乎巽。相見乎離。致役乎坤。說言乎兌。戰乎乾。勞乎坎。成言乎艮。一二三四五六七八九者。古今之禪代推移。周而復始者也。震巽離坤兌乾坎艮者。日月之出沒。四時之氣機。運行遷謝。循環無端者也。先賢以此爲後天之卦。昔者大禹治水。神龜出雒。文王因之。作後天之卦。豈伏羲畫卦之時。未有雜書。而大禹演疇之時。未有後天卦位耶。竊以爲圖書必出於一時。而先天後天卦位。亦定於一日。伏羲但有卦爻。而文王始繫之辭耳。河圖雜書。非有二


數。先天後天。非有二義也。特先天之卦。以陰陽之對待者言。有彼此而無方隅。後天之卦。以陰陽之流行者言。則有方隅矣。至其作卦之旨。要在於陰陽之互根則一也。夫易之道。貴陽賤陰。則陽當為主。而陰當爲輔。而此云陽以相陰者。何也。蓋陽之妙不在於陽。而在於陰。陰中之陽。乃眞陽也。故陰爲之感。而陽來應之。似乎陰反爲君。而陽反爲相。此經言神明之旨也。然陽之所以來應乎陰者。以陰中本自有之。以類相從。故來應耳。豈非陰含陽乎。陰含陽。則能生陽矣。一切發生之氣。皆陽司之。則皆陰出之者也。剛柔卽陰陽。陰陽以氣言。剛柔以質言。易曰乾剛坤柔。又曰剛柔相摩。八卦相盪。八卦之中。皆有陰陽。則皆有剛柔。若以陽爲剛。以陰爲柔。則宜乎剛生於柔矣。而乃云柔生於剛者何也。無形之氣。陽剛而陰柔。有形之質。陰剛而陽柔。於有形之剛質。又生無形之柔氣。質生氣。氣還生質。故曰柔生於剛也。凡其所以能爲相助。能爲包含。生生不息。如是者。則以陰之與陽。蓋自有其德也。惟陰之德。能弘大夫陽。以濟陽之施。故陽之德。能親順夫陰。以昌陰之化。此陰陽之妙。以氣相感。見於河圖雒書。先後天之卦象者如是。由是則可以知天地之道矣。天地之道。陽常本於陰。而

陰常能育陽。故天非廓然空虛者爲天也。其氣常依於有形。而無時不下濟。地非塊然不動者爲地也。其形常附於元氣。而無時不上升。然則天之氣當在地中。而地之氣。皆天之氣。陰陽雖曰二氣。止一氣耳。所以生天生地者此氣。所以生萬物者此氣。故曰化始也。錢氏曰。五得一爲六。五得二爲七。五得三爲八。五得四爲九。五得五爲十。內均有土在。一二三四五。九八七六五。坤巽離兌中。乾震坎艮中。老母率三女。老父率三男。氣口在中央。中五爲立極。此謂八體弘布。子母分施。有一必有六。此生成也。不生不成。五兆不兆。五行有生必有成。有成必有生。非終何以得始。非闔何以能開。故中庸曰。誠者物之終始。卽貞下起元之旨也。假使不互爲其根。則孤陽不生。孤陰不成。邵子云。天根月窟常來往。三十六宮都是春。不參伍不生數。數不生。理亦無由齊一。不對待。不成形。形不成。氣亦無由往來。以河圖數而錯綜之。無不往來。卽如一二得三。六七得三。一七得八。六二得八。則一六二七本有三八之氣。往來之類。就中細細推之。自有神妙。又一三得四。六八得四。一八得九。六三得九。又一四得五。六九得五。一九得十。六四得十。舉一六在下之數。餘可類推。

其數參伍。所以齊一。其形對待。所以往來。此陰陽互為其根也。舉一隅為例。




氣自天生。理自地成。氣自地生。理自天成。此所謂生成隨地星懸空。



一六。二七。三八。四九。合雌雄之兩儀以交媾。原此有四象

九四金三八木

一二三四



乾兌合艮以配坤。兌得乾合坤以配艮。此互為其根。而金水一家。離得震合巽以配坎。巽得坎合離以配震。此亦互根生成。而木火通明。細推之而後天八卦。細分之而邵子六十四卦。則順推逆輪。具有九四。三八。二七。六一。宮宮得生。位位得成。錯綜變化。與時偕行。神妙運用。所謂三十六宮都是春也。所謂龍從火裏出。虎向水中生也。所謂活子時便成丹也。

五 六 七 八

二 七 六 一 水

乾兌合艮以配坤。兌得乾合坤以配艮。此互為其根。而金水一家。離得震合巽以配坎。巽得坎合離以配震。此亦互根生成。而木火通明。細推之而後天八卦。細分之而邵子六十四卦。則順推逆輪。具有九四。三八。二七。六一。宮宮得生。位位得成。錯綜變化。與時偕行。神妙運用。所謂三十六宮都是春也。所謂龍從火裏出。虎向水中生也。所謂活子時便成丹也。

乾兌合艮以配坤。兌得乾合坤以配艮。此互為其根。而金水一家。離得震合巽以配坎。巽得坎合離以配震。此亦互根生成。而木火通明。細推之而後天八卦。細分之而邵子六十四卦。則順推逆輪。具有九四。三八。二七。六一。宮宮得生。位位得成。錯綜變化。與時偕行。神妙運用。所謂三十六宮都是春也。所謂龍從火裏出。虎向水中生也。所謂活子時便成丹也。

金水一家

木火通明

此兩圖勿視爲老生常設。箇中自有妙理。十道天心在此。陰陽兩片在此。城門眞訣更在此。識得城門眞訣。便知天心十道。便知陰陽兩片。卽種種叢妙。亦無不可知。

自上元甲子甲戌二十年。坎以乾爲催官。自中元甲午甲辰甲寅三十年。乾以坎爲催官。

·自上元甲申甲午二十年。坤以兌爲催官。自下元甲子甲戌二十年。兌以坤爲催官。

自上元甲辰甲寅二十年。震以艮爲催官。自下元甲申甲寅二十年。艮以震爲催官。自

中元甲子甲戌甲申三十年。巽以離爲催官。自下元甲辰甲寅二十年。離以巽爲催官。

中卷 古文作天宮篇正氏作天元金書符郭氏作神契篇今削之

經曰。天有五星。地有五行。天分星宿。地列山川。氣行於地。形麗於天。因形察氣。以立人紀。紫微天極。太乙之御。君臨四正。南面而治。天市春宮。少微西掖。太微南垣。旁照四極。四七爲經。五德爲緯。運乾坤輿。垂光乾紀。七政樞機。流通終始。地德上載。天光下臨。陰用陽朝。陽用陰應。陰陽相見。福祿永貞。陰陽相乘。禍咎踵門。天之所臨。地之所盛。形止氣蓄。萬物化生。氣感而應。鬼福及人。是故天有象。地有形。上下相須而成一體。此之化謂機。

傳曰。此篇以有形之象。爲天地之機。而指示氣之所從受也。上文旣明河圖洛書先天後天八卦之理。聖人作易之旨盡於此。天地陰陽之道亦盡於此矣。然聖人不自作易。其四象八卦。皆仰法於天。故此篇專指天象以爲言。夫易之八卦。取象於地之五行。而地有五行。因天有五曜。五曜凝精於上。而五行流氣於下。天之星宿。五曜之分光列象者也。地之山川。五行之成形結撰者也。故山川非列宿。而常具列宿之形。觀其形之所呈。卽以知其氣之所稟。夫有是形。御是氣。物化自然。初未及乎人事。而聖人仰觀俯察。人紀從此立焉。木爲歲星。其方爲東。其令爲春。其德爲仁。火爲熒惑。其方爲南。其令爲夏。其德爲禮。土爲鎮星。其方爲中央。其令爲季夏。其德爲信。金爲太白。其方爲西。其令爲秋。其德爲義。水爲辰星。其方爲朔。其令爲冬。其德爲智。洪範九疇。所謂敬用五事。嚮用五福。五紀八政。皇極庶徵。皆自此出。故聖人御世宰物。一天地之道也。備言天體。則有七政以司元化。日月五星是也。有四垣以鎮四方。紫微天市太微少微是也。有二十八宿以分布周天。蒼龍七宿。角亢氐房心尾箕。朱鳥七宿。井鬼柳星張翼轸。白虎七宿。奎婁胃昂畢觜參。玄武七宿。斗牛女虛危室壁。是也。四垣卽四象。七

政即陰陽五行之根本。其樞在北斗。而分之四方。爲二十八宿。故房虛昴星應日。心危女張應月。角斗奎井應歲星。尾室觜翼應熒惑。亢牛婁鬼應太白。箕壁參軫應辰星。氐畢胃柳應鎮星。臨制其方。各一七政也。渾天周匝。雖云四方。而備八卦二十四爻之象矣。非經無以立極。非緯無以擅化。一經一緯。眞陰眞陽之交道也。交道維洛。而後天之體。環周而固於外。地之體。結束而安於中。此元氣之流行。自然而成器者也。其始無始。其終無終。包羅六合。入於無間。雖名陰陽。一氣而已。人能得此一氣。則生者可以善其生。而死者可以善其死。地理之道。蓋人紀之一端。此端既立。則諸政以次應之。故聖人重其事。其用在地。而必求端於天。本其氣之所自來也。然氣不可見。而形可見。不可見之氣。即寓於有可見之形。形者氣之所成。而即以載氣。氣發於天。而載之者地。氣本屬陽。而載之者陰。故有陰即有陽。地得其所。則天氣歸之。天地無時不交會。陰陽無時不相見。相見而得其冲和之正。則爲福德之門。相見而不得其冲和之正。即爲相乘。而名禍咎之根。禍福殊塗。所爭一間。良足畏也。且亦知星宿之所以麗於天。山川之所以列於地者乎。天之氣無往不在。而日得天之陽精而恆爲日。月得天之陰

精而恆爲月。五曜得天五氣之精而恆爲緯。至於四垣二十八宿。衆星環列。又得日月五星之精而恆爲經。此則在天之有形者。有以載天之氣也。地之氣無往不在。而山得日月五星之氣而恆爲山。川得日月五星之氣而恆爲川。此則在地之有形者。有以載地之氣也。列宿得天之氣而生於天。列宿與天爲一體也。山川得地之氣而生於地。山川與地爲一體也。萬物之生於天地。何獨不然。夫萬物非能自生。借天地之氣以生。然天地非有意於生萬物。萬物各自有機焉。適與天地之氣相遇于窅冥恍惚之中。夫有所沾濡焉。夫有所綢繆焉。夫有所苞孕焉。遂使天地之氣止而不去。積之累之。與物爲一。乃勃然以生爾。地理之道。必使我所取之形足以納氣。而氣不我去。則形與氣交而爲一。必使我所據之地。足以承天。而天不我隔。則地與天交而爲一。夫天地形氣。既合而爲一。則所葬之骨。亦與天地之氣爲一。而死魄生人。氣脈灌輸。亦無不一。福應之來。若機張審括。所謂化機也。不然蓄之無門。止之無術。雖周天列宿。炳耀中天。而我不蒙其照。雖大地陽和。滂流八表。而我不沾其澤。天爲匡廓。地爲稿壤。骨爲速朽。子孫爲寄生。我未見其獲福也。可不慎哉。可不慎哉。

錢氏曰：若泥定東木・西金・南火・北水・則雕塑一樣・不活動的・要知天氣無刻不運動・地氣無處不旋轉・刻刻活的・方方動的・無一數不然・無一理不然・亦無一物不然・知此・可與言道・

下卷 古文作證長篇

經曰・無極而太極也・理寓於氣・氣囿於形・日月星宿・剛氣上騰・山川草木・柔氣下凝・資陽以昌・用陰以成・陽德有象・陰德有位・地有四勢・氣從八方・外氣行形・內氣止生・乘風則散・界水則止・是故順五兆・用八卦・排六甲・布八門・推五運・定六氣・明地德・立人道・因變化・原終始・此之謂化成・

傳曰・此篇申言形氣雖殊・而其理則一・示人以因形求氣・爲地理入用之準繩也・易曰・易有太極・是生兩儀・太極者・所謂象帝之先・先天地生・能生天地・萬化之祖根也・本無有物・無象無數・無方隅・無往不在・言太極則無極可知・後賢立說・慮學者以太極爲有物・故申言以明之曰・無極而太極也・大而天地・細而萬物・莫不各有太極・物物一太極・一物全具一天地之理・人知太極物物皆具・則地理之道・思過半矣・理寓

於氣・氣一太極也・氣囿於形・形一太極也・以至日月星辰之剛氣上騰・以剛中有太極・故能上騰・山川草木之柔氣下凝・以柔中有太極・故能下凝・資陽以昌・資之以太極也・用陰以成・用之以太極也・太極之所顯露者謂之象・而所宣布者謂之位・地無四勢・以太極乘之・而命之爲四勢・氣無八方・以太極御之・而命之爲八方・勢與方者・其象其氣・而命之爲勢爲方者其極・極豈有定耶・則勢與方亦豈有定耶・四勢之中・各自有象・則八方之中・亦各自有氣・然此諸方之氣・皆流行之氣・因方成形・只謂之外氣・苟任其流行而無止蓄・則從八方而來者・還從八方而去・千山萬水・僅供耳目之翫・如傳舍・如過客・總不足以濬發靈機・滋養元化・必有爲之內氣者焉・所謂內氣・非內所自有・即外來流行之氣・於此乎止・有此一止・則八方之行形者・皆招攝翕聚乎此・是一止而無所不止・於此而言太極・乃爲真太極矣・無所不止・則陽無所不資・陰無所不用・而生生不息之道在其中・太極生兩儀・兩儀生四象・四象生八卦・萬事萬物・皆胚胎乎此・前篇所謂形止氣蓄・萬物化生・蓋謂此也・然但言止・而不申明所以止之義・恐世之審氣者・茫然無所措手・故舉氣之最大而流行無間者・曰風曰水・夫風有氣而


無形。稟乎陽者也。水有形而兼有氣。稟乎陰者也。然風稟乎陽。而陽中有陰焉。水稟乎陰。而陰中有陽焉。二者皆行氣之物。氣之陽者。從風而行。氣之陰者。從水而行。而行陽氣者。反能散陽。以陽中有陰也。行陰氣者。反能止陽。以陰中有陽也。太塊之間。何處無風。何處無水。風原不能散氣。所以噓之使散者。病在乎乘。水原不能止氣。所以吸之使止者。妙在乎界。苟能明乎乘與界之爲義。審氣以定太極之法。概可知矣。上文反覆推詳。皆泛言形氣之理。至是乃實指地理之用。於是總括其全焉。順五兆。以五星之正變審象也。用八卦。以八方之衰旺審位也。排六甲。以六甲之紀年審運也。布八門。以八風之開闔審氣也。地理之矩矱。盡於此矣。推五運。以五紀之盈虛審歲也。定六氣。以六氣之代謝審令也。謹歲時以扶地理之稟籙。盡於此矣。如是則太極不失其正。而地德可明。然聖人之明地德也。非徒邀福而已。蓋地之五行得其順。則人之生也。五德備其全。而五常若其性。聖賢豪傑。接踵而出。而禮樂政刑。無不就理。豈非人道自此立乎。然此亦陰陽變化自然之妙。雖有智者。不能以私意妄作。夫亦深知其所以然因之而已。夫卜地葬親。乃慎終之事。而子孫之世澤。皆出其中。則人道之所以終

。卽爲人道之所以始。然則斯道也者。聖人開物成務。無有大於此者也。謂之化成。宜哉。

錢氏曰，上元一白當令。坎方之炁。本爲生炁。其炁在坎方冲來。離方無水道界之。則坎氣自北而南。何所底止。必須離方水道界住。而坎方行炁見水凝止。且必要離方水道有開蕩。以引動北方之炁。而炁始來聚餘倣此。

大地一片平鋪。毫無止蓄。散漫無紀。有似乎風之吹散氣者。何以界水者止。平洋之性。本水順下。有水處皆低蓄之地。故河港灣環。而行氣遇水界。則兜收氣聚。卽爲凝結。其氣不能踰水而過也。水動處立穴。卽爲交媾之自然。陰陽對待之自然矣。五星體格。以金水土三星最佳。水法亦要取土金。水三星。審位。必得合旺運乃用之。審令。當分按宮度配合山向。所謂天時是也。

風輪水輪。隨運流轉。旋斗歷箕。同度五常。太玄太乙。起伏循環。交媾無已。化育生焉。



能知風水。便知審氣。以定太極之法。

此全部各篇之綱領。五運。甲巳爲戊辰土運。乙庚爲庚辰金運。丙辛爲壬辰水運。丁壬爲甲辰木運。戊癸爲丙辰火運。六氣。子午卯酉少陰君火司天。(心)陽明燥金在泉。(胃)辰戌丑未太陰濕土司天。(肺)太陽寒水在泉。(膀胱)寅申巳亥少陽相火司天。(胆)厥陰風木在泉。(肝)大寒(丑)。立春(艮)。雨水(寅)。驚蟄(甲)。以上四炁風水主運。春分(卯)。清明(乙)。穀雨(辰)。立夏(巽)。以上四炁君火主運。小滿(巳)。芒種(丙)。夏至(午)。小暑(丁)。以上四炁相火主運。大暑(未)。立秋(坤)。處暑(申)。白露(庚)。以上四炁溫土主運。秋分(酉)。寒露(辛)。霜降(戌)。立冬(乾)。

以上四炁。燥金主運。小雪(亥)。大雪(壬)。冬至(子)。小寒(癸)。以上四炁。寒水主運。

錢氏地理辨正參解

廣德錢文選士青甫述義

男若洋恭校

卷二

青囊序

唐曾求已
公安甫著

考圖書集成藝術典堪輿類。載有楊筠松青囊奧旨一篇。明誠意伯劉基伯溫爲之序。大抵青囊序。與青囊奧語兩篇。本是一篇。後人得坊間之殘編。未知裁決。謬謂青囊序。而青囊奧旨略得遺文。更益以後人精要之語。又成爲一篇也。


楊公養老看雌雄。天下諸書對不同。

雌雄者。陰陽之別名。乃不云陰陽而云雌雄者。言陰陽。則陰自爲陰。陽自爲陽。疑乎對待之物。互顯其情者也。故善言陰陽者。必言雌雄。觀雌則不必更觀其雄。而知必有雄以應之。觀雄則不必更觀其雌。而知必有雌以配之。天地兩大雌雄也。山川雌雄中之顯象者也。地有至陰之氣。以招攝天之陽精。天之陽氣。日下交乎地。而無形可見。止

。見其草木百穀。春榮秋落。蛟龍虫豸。升騰蟄藏而已。故聖人制婚姻。男先乎女。亦以陰之所在。陽必求之。山河大地。其可見之形。皆陰也。實有不可見之陽以應之。所謂雌雄者也。故地理家不曰地脈。而曰龍神。言變化無常。不可以跡求者也。青囊經所謂陽以求陰。陰以含陽者。此雌雄也。所謂陽本陰。陰育陽者。此雌雄也。所謂陰用陽朝。陽用陰應者。此雌雄也。所謂資陽以昌。用陰以成者。此雌雄也。楊公得青囊之秘。洞徹陰陽之理。晚年其術益精。以此濟世。卽以此養生。然其中秘密。惟有看雌雄之一法。此外更無他法。夫地理之書。汗牛充棟。獨此一法。不肯筆之於書。先賢口口相傳。問世一出。蓋自管郭以來。古今知者。不能幾人。既非聰明知巧。可能推測。又豈閱覽博物。所得與聞。會者一言立曉。不知者累牘難明。若欲向書卷中求之。更河漢矣。故曰天下諸書對不同也。曾公安親授楊公之秘。故其所言。深切著明如此。彼公安者。豈欺我哉。

錢氏曰「雌雄」水屬陰。氣屬陽。擇地之道。乘氣而已。然氣在地中。無形可見。水在地上。有迹可尋。看雌雄者。將以有可見之雌。看無可見之雄也。雌雄。去來二口

也。果知去口之清真。益知來脈蹤跡矣。



先看金龍動不動。次察血脈認來龍。

此以下乃言看雌雄之法也。金龍者。氣之無形者也。龍本非金。而云金龍者。乃乾陽金氣之所生。故曰金龍。動則屬陽。靜則屬陰。氣以動爲生。以靜爲死。生者可用。死者不可用。其動大者則大用之。其動小者則小用之。此以龍之形象言也。形象既得。斯可辨其方位矣。血脈。卽金龍之血脈。非龍而實龍之所自來。所謂雌雄者也。觀血脈之所自來。卽知龍之所自來矣。察。察其血脈之來自何方也。知血脈之來自何方。卽可認龍之來自何方矣。此楊公看雌雄之秘訣。而非世人倒杖步量之死格局也。

俗註辰戌丑未四金惡煞爲金龍者非

錢氏曰。先看雌雄前一層。次察方入手以看雌雄。金龍在水未分之中。血脈在水既分之後。動不動。以三叉之有無言也。金龍既動。則水形合格矣。於是乃卽水以辨其方位焉。金龍。乾陽金氣也。得運爲動。失運爲不動。蓋金龍卽亢金龍也。主亢金爲斗柄所指之處而言。如東卦指乙。西卦指辛。南北卦指癸丁。所指之方。乃天氣所到。故曰動。察血脈者。看對宮水能收住此氣。則氣與水交。而金龍爲真動矣。血脈三叉。水道也。來龍。地氣也。卽如水來自兌。則龍必來自震。水來自坎。則龍必來自離。隱含對待之義。卽可謂雌雄交媾也。吳景鸞曰。金龍氣而已矣。氣出自天。乾爲天屬金。變化不可測度者莫如龍。而天氣不可測度者亦如之。故曰金龍。然天依形。地附氣。氣不可見。而形可見。形之動者氣亦動。形之不動者氣亦不動。故卽形之動靜。可知氣之動靜矣。山之動靜之形在山。故以山爲龍。平陽動靜之形在水。故以水爲龍。然則金龍言氣亦可。言形亦可。形與氣不可分也。形氣既得。然後可辨其方位。察其生旺而用之。



有三義。爲真動。無三義。雖屈曲。不爲動也。

龍分兩片陰陽取。水對三義細認蹤

兩片即雌雄。陰在此則陽必在彼。兩路相交也。三義。即後城門。界水合處。必有三義。細認蹤。即察血脈以認來龍也。知三義之在何方。則知來龍之屬何脈矣。

俗註以兩片爲左旋右旋以三義爲生旺墓非

錢氏曰。有大局之兩片。有結構之兩片。能知兩片。使知金龍。對者。以不對對之。此陰陽龍。立陰陽卦。向之分別也。其訣一定不移。知此而觀龍之能事畢矣。兩片分四隅陰龍。四正陽龍。陽龍立陰卦向。陰龍立陽卦向。即謂兩路相交也。即謂龍要合向也。如一白來龍。坐向四綠類是。此城門一訣。二水相交。必有三義。是入手第一件要緊事。水對者。立在所看之地。將羅經格定此口是何宮水道。然後將元運配合。或宜正對。或宜偏左。或宜偏右。而後可以立穴。細認者。三義之來源。須節節推

看也。分兩片有兩法。一分地氣屬陰。水屬陽。氣水相交屬兩片。一分氣水又各自爲陰陽。氣與氣交。水與水交。亦是兩片。所謂水有水之陰陽。山有山之陰陽。一曰兩片者。即分江東江西。陰陽取用三義。即水去來二口之城門。細認蹤者。看在今何。須宮神清潔。合元而無雜水者佳。



江南龍來江北望。江西龍去望江東。


此所謂兩片也。金龍本在江南。而所望之氣脈。反在江北。金龍本在江西。而所望之氣脈。反在江東。蓋以有形之陰質。求無形之陽氣也。楊公看雌雄之法。皆從空處爲真龍。故立其名曰大玄空。雖云兩片。實一片也。

俗註江南午丁未坤爲一卦。江北子癸丑艮爲一卦。共一父母。江西申庚酉辛戌乾亥壬爲一卦。江東寅甲卯乙辰巽巳丙爲一卦。共一父母。兩卦之中互相立向者非。

錢氏曰。龍本以氣言。此就水言龍者。以水能激動地氣。望者。望在彼之脈。故龍在此。而所望之氣脈反在彼。故曰龍也。勿誤看。此陰陽交媾之理也。如一白來龍。坐向四綠。九紫來龍。坐向六白是。又上元坎氣收離水。下元離龍收坎水。蓋言先天之對待。即看雌雄兩片之秘訣。而玄空大卦陰陽交媾之妙理盡矣。看有形之雌。以求無形之雄。是從水上求真龍。故有形之陽氣可看。上元以坎氣為統龍。收丙午丁特朝。二黑收艮。三碧收兌。一二三俱屬江東。是謂江南龍來江北望。下元以離氣為主。七赤為統龍。收壬子癸水特朝。是謂江西龍去望江東。江南江北。坎離二水夾穴。



上元一卦。收卯氣到穴。坎離交媾。立穴居中。此卦包含三卦。



上元一二三係江東卦。故江南龍來江北望。

下元七八九係江西卦。故江西龍去望江東。

知雌雄。知兩片。而大玄空之說。曉然雪亮。紛紛異端可笑。故云兩片。實一片也。是以聖人卜河洛。瀝澗二水交華嵩。相其陰陽觀流泉。卜年卜世宅都宮。

此即周公卜洛之事。以證地理之道。惟在察血脈。認來龍也。聖人作都。不言華嵩之脈絡。而言瀝澗之相交。則知所認之來龍。認之以瀝澗也。又引公劉遷豳。相陰陽。觀流泉。以合觀之。見聖人作法千古一揆也。


錢氏曰。大凡畿都省會。皆成兩片。有雌雄。有交媾。此大局也。而所認之來龍。認之以纏潤。觀金龍之法。思過半矣。

晉世景純傳此術。演經立義出玄空。朱雀發源生旺氣。一一講說開愚蒙。

推原玄空大卦。不始於楊公。蓋郭景純先得青囊之秘。演而立之。直追周公制作之精意者也。乃其義。不過欲朱雀發源。得生旺之氣耳。來源既得生旺。即是來龍生旺。而諸福坐致矣。來源若非生旺。則來龍亦非生旺。而禍不旋踵矣。景純當日以此開喻愚蒙。其如愚蒙之領會者少也。

俗註龍取生旺之氣於穴中。水取生旺之氣於穴前。又指氣之生旺。為長生帝旺墓庫合三义者非

錢氏曰。郭公葬書曰。朱雀發源於生氣。派於未盛。朝於大旺。澤於將衰。流於凶謝。以返不絕。



合元失元要例看

朱雀者。前朝之水。朝南。則南為朱雀。朝北。則北為朱雀。東西亦然。總以前朱雀。後元武。左青龍。右白虎。此云朱雀。單指上元一白。收兩午丁水。一一者。推言二三四五六七八九亦如是也。合元為生旺。失元為衰敗。此指當面朝迎之水。在穴前一帶者。與細認三义。坐向合五。而陰陽交者有別。朱雀者。天星中之朱鳥七宿也。如東卦金龍。指乙星。日馬在午。故取午水為三吉水。西卦金龍。指辛星。日馬在子。故取子水為三吉水。南北卦。前十年金龍。指丁星。宿馬在酉。取酉水為用。後十年金龍。指癸星。宿馬在卯。取卯水為用。

一生二兮二生三。三生萬物是玄關。山管山兮水管水。此是陰陽不待言。

陰陽之妙用始於一。有一爻即有三爻。有一卦即有三卦。故曰一生二。二生三。此乃天地之玄關。萬物生生之囊籥也。又恐人認山水為一。而不知辨別。故言山之玄關自管山

而水之玄關自管水。不相混雜。蓋山有山之陰陽。而水有水之陰陽爾。通乎此義。則世之言龍穴砂水者。真未夢見矣。

俗註生旺墓三合爲玄關者非

錢氏曰。一卦之始。只有一。一合太陰而生太陽。太陽太陰交媾。而生三子。是謂三生也。非言山。陽中有陰。水陰中有陽也。山陽也。水陰也。而言山水各有陰陽者。蓋以一二三四五。九八七六五。氣口在中央。以互相爲陰陽。不知此訣。曾未夢見。

坎順局

破 巨

武

輔 文

坎逆局

文 輔

武

巨 破

山水之互爲陰陽。已和盤托出。

識得陰陽玄妙理。知其衰旺生與死。不問坐山與來水。但逢死氣皆無取。

此節暢言地理之要。只在衰旺生死之辨也。衰旺有運。生死乘時。陰陽玄妙之理。在乎知時而已。坐山有坐山之氣運。來水有來水之氣運。所謂山管山。水管水也。二者皆須趨生而避死。從旺而去衰。然欲識得此理。非真知河洛之祕者不能。豈俗師所傳。龍上五行收山。向上五行收水。順逆長生之說。所能按圖而索驥者乎。

錢氏曰。此玄空大五行之生旺也。山之陰陽。順來爲生旺。水之陰陽。倒排爲生旺。

識得順與倒。方知山與水之陰陽。總不外乎穴從龍。向從水之義。地有好星體者。如不合元運。斷不可葬。必得合元方點穴。是取生棄死。全在知其衰旺。乘時者。如下元葬兌龍須秋令。主運。是乘旺運而用旺令也。

先天羅經十二支。後天再用干與維。八千四維輔支位。子母公孫同此推。

羅經二十四路。已成之跡。人人所知。何須特舉。此節非言羅經制造之法。蓋將羅經直指雌雄交媾之玄關。以明衰旺生死之作用爾。十二支。乃周天列宿之十二次舍。故曰先

天。地道法天。雖有十二宮。而位分八卦。每卦三爻。則十二宮不足以盡地之數。故十干取戊巳歸中以爲皇極。而分布八干爲四正之輔佐。然猶未足卦爻之數。遂以四隅四卦。補成三八。於是卦爲之母。而二十四路爲之子焉。卦爲之公。而二十四路爲之孫焉。識得子母公孫。則雌雄之交媾在此。金龍之血脈在此。龍神之衰旺生死。亦盡乎此矣。俗註子寅辰乾丙乙一龍爲公午申戌坤辛壬二龍爲母卯巳丑艮庚丁三龍爲子酉亥未巽癸甲四龍爲孫非

錢氏曰。指元運之卦。非八卦之卦。故二十四路皆爲子孫。地之方位。祇重八卦。特八干四維以成每卦三爻之數。故當以卦爲母爲公。二十四路爲子孫。識得者。即所謂八卦只有一卦通。星辰流轉要相逢之訣。都曉得也。如一白當令。坎卦爲正旺龍。離卦爲正照水。則坎離爲父母。而六卦爲子孫。此一運陽用巽震坤龍。陰用艮乾兌水。是也。如壬子癸坎卦一卦。則子爲母。壬癸二干爲子孫。又爲輔弼二星。餘倣此。元運之卦。即八卦之卦。一而二。二而一也。

二十四山分順逆。共成四十有八局。五行即在此中分。祖宗却從陰陽出。陽從左邊團團轉

陰從右路轉相通。有人識得陰陽者。何愁大地不相逢。

此一節申言上文未盡之旨也。子母公孫。如何取用。蓋二十四山。止應二十四局。而一山之局。又有順逆不同。如有順子一局。即有逆子一局。一山兩局。豈非四十八局乎。此局得何五行。則龍神得何五行。五行不在此中分乎。然五行之根源宗祖。非取有形可見。有跡可尋之二十四山分五行。乃從玄空大卦。雌雄交媾之真陰真陽分五行也。論至此。玄空立卦之義。幾乎盡矣。而又恐人不知陰陽爲何物。又重言以申明之曰。如陽從左邊團團轉。則陰必從右路轉相通。言有陰即有陽。有陽即有陰。所謂陰陽相見。雌雄交媾。玄空大卦之秘旨也。言左右。則上下四旁。皆如是矣。此即上文龍分兩片。江南龍來江北望之意。而反覆言之者也。其奈世人止從形跡上著眼。不能領會玄空大卦之妙。故又發嘆曰。有人識得此理者。乃識真陰陽。真五行。真血脈。真神龍。隨所指點。皆天機之妙。何愁大地不相逢乎。若不識。此雖大地當前。目迷五色。未有能得其真者也。俗註陽龍左行爲順陰龍右行爲逆陽亥龍左行爲甲木陰亥龍右行爲乙木之類非

錢氏曰。順逆二字。最要分明。若順者是真龍。逆者即非真龍。所差不過一間。明得

眞。即審五行以定雌雄也。此亦雌雄對待之義。即水以求地脈之道也。水自左轉。則氣必從右來。水自右通。則氣必從左來。夫世人之談陰陽。皆在字上分陰陽。是死的。楊公之分陰陽。皆在水上分陰陽。是活的。故有形之水屬陰。無形之氣屬陽。如水在右邊屬陰。氣必左邊屬陽。二十四山一順一逆。共成四十有八。夫順逆。即雌雄對待之義。如壬爲貪狼。丙爲貪水。一山兩局矣。八星各居其六。六八豈非四十八局乎。即在此中分之。五行即玄空五行。非干支之正五行。亦非八卦五行。並非九星五行。乃洛書五行也。此中分者。即分坤壬乙。巽辰亥。艮丙辛。上中下三元也。如上元一白爲祖宗。下三吉爲兄弟。陰陽者。一山一水對待而已。如一白屬坎收丙午丁水對待。午水爲父母。丙水屬陽。在父母之左。流入父母向上。丁水在右。流到父母卦內。自右至左。丙午丁三字合卦。故曰轉相通。如丁水右去。流入未宮。則龍中交戰。小房有禍。倘丙水流入巽宮。長房不利。四正陽卦。左旋而交乎四隅。四隅陰卦。右轉而交乎四正。如離水由坤而兌而乾。乾水則由兌而坤而離是也。即氣亦然。此即神火精折水之法。雖有失運之水。亦不爲害。奧語左爲陽。子癸之亥壬二句意同。蓋祖宗

者。即五行之根源也。而玄空五行。以一六爲水。二七爲火。三八爲木。四九爲金。五十爲土。即生成理數。故曰祖宗。却從陰陽出。陰陽者。即生成也。如陽一白取乾爲生成。陰八白取震爲生成。一順輪。一逆取。即陽從左轉二句之義。按此解祖宗却從陰陽出。謂從玄空大卦。眞陰眞陽分五行。即一六共宗。二七同道。等句。豈即寶照經所謂城門。所謂一卦。所謂龍身出脈者乎。祖宗即父母。先天乾爲父。以爲祖宗。率震坎艮三男。俱屬陽。即九八七六。江西一卦爲陽。先天坤爲母。以爲祖宗。率巽離兌三女。俱屬陰。即一二三四。江東一卦爲陰。陽從左轉者。六七八九左轉。陰從右轉者。一二三四右轉。天爲陽左轉。地爲陰右轉。即洛書之義。如陽在坎而至巽。則陰必在離而至乾矣。江東一二三四五。江西九八七六五。一二三四生數。坤母率巽離兌三女入陽。九八七六成數。乾父率震坎艮入陰。坎離逢震巽。艮兌合乾坤。是一生一成。陰陽交媾。立成金水一家。木火一家。一生二也。龍分兩片也。如天一生水。須地六成之。一與六是金水一家。而六與九是木火一家。交媾之妙。如是如是。

金口訣曰：坎離逢震巽。艮兌合乾坤。



八卦定龍位。水以六甲分。山中龍配穴。洋地問元辰。貼水與離水。皆須一氣清。蓋卦以先天為體。後天為用。用不離乎體。一山一水。顛倒倒顛。貼水近照。離水遠照。皆須一氣清純。不可出卦。元辰宮神也。如一六同宗。互為宮神。元辰若斷橋。外氣總無力。如人元氣虛。富貴亦何益。元辰屬內氣。為宮神。零神為外氣為照神。



四 坎離逢震巽。乾坤合艮兌。四正也。
維 實為四維。以四正交媾之情。在四維也。



四 震巽逢坎離。艮兌合乾坤。四維也。
正 實為四正。以四維交媾之情。在四正也。
觀此可悟城門訣。

順子逆子。順逆四十八局。莫非兩片之雌雄交媾也。無形可見者。即氣數之衰旺。氣者。天地盛衰之運也。數者。天地盛衰之限也。尋龍立穴。必須卦氣清純。始為全美。陽山陽向水流陽。執定此說甚荒唐。陰山陰向水流陰。笑殺拘泥都一般。若能勘破個中理。妙用本來同一體。陰陽相見兩為難。一山一水何足言。

又言所謂識得陰陽者。乃玄空大卦真陰真陽。而非世之所謂淨陰淨陽也。若據淨陰淨陽之說。則陽山必須陽向而水流陽。陰山必須陰向而水流陰。時師拘拘於此。而不知其實無益也。真陰真陽。自有個中之妙。世人不得真傳。無從勘破耳。若有明師指點。一言之下。立時勘破。則知不但淨陰淨陽不可分。所謂真陰真陽者。雖有陰陽之名。而止是一物。又何從分。既知陰陽為一物。則隨手拈來。無非妙用。山與水為一體。陰與陽為一體。二十四山卦氣相通者。皆為一體矣。夫淨陰淨陽者。一山止論一山之陰陽。一水

止論一水之陰陽。故拘執有形。不能觸類類通耳。玄空大卦。一山不論一山之陰陽。而論與此山相見之陰陽。一水不論一水之陰陽。而論與此水相見之陰陽。所以爲難知難能。而入於微妙之域。此豈淨陰淨陽之說。拘於有形者。所可同年而語哉。

錢氏曰。個中妙理。即陰陽之交媾。要合元旺運而葬。不必拘干支之陰陽。去來之水法。

二十四山雙雙起。少有時師通此義。五行分布二十四。時師此訣何曾記。

此即上文二十四山分順逆之義。而重言以嘆美之。雙雙起者。一順一逆。一山兩用。故曰雙雙也。五行分布者。二十四山各自爲五行。不相假借也。雖如此云。而其中實有奧義。惟得秘訣者乃能通之。時師但從書卷中搜索。必不得之數也。於此可見二十四山成格有定。執指南者。人人能言之。而微妙之機。不可測識矣。

俗註乾亥爲一甲卯爲一丁未爲一之類釋雙雙起者非

錢氏曰。此四十八局所由來也。雙雙起。一雌一雄。兩兩對起也。千卷青囊。不出對待二字之義。不相假借者。子午卯酉。乙辛丁癸。屬水。辰戌丑未。乾巽艮坤。屬土。

寅申己亥。甲庚壬丙。屬金。寶照經可證。一順一逆爲雙雙。一生一成亦爲雙雙。子山午向兼癸丁。子兼癸。即雙雙。癸山丁向兼子午。亦爲雙雙。五行分布二十四山。故收水立向。務要卦氣清純。豈容假借。

丁午下元陽用水。丙午下元陽用水。一山兩用。故曰雙雙。

山上龍神不下水。水裏龍神不上山。用此量山與步水。百里江山一响間。

此即上文山管山。水管水之義。而重言以嘆美之。且又以世人之論龍神。但以山之脈絡可尋者爲龍神。即其所用水法。亦以山龍之法。下求平水。以資其用耳。不知山與水。乃各自有龍神也。特爲指出。以正告天下後世焉。山上龍神。以山爲龍者也。專以山之陰陽五行。推順逆生死。而水非所論。水裏龍神以水爲龍者也。專以水之陰陽五行。推順逆生死。而山非所論。剛柔異質。燥濕殊性。分路揚鑣。不相假也。即有山龍而兼得水龍之氣者。亦山自爲山。水自爲水。非可以山之陰陽五行。混入乎水之陰陽五行也。山則量山。以辨山之純雜長短。水則步水。以辨水之純雜長短。得此山水分用之法。百里江山。一覽在目。此青囊之秘訣。亦青囊之捷訣也。嗚呼。此言自曾公安剖露以來。

於今幾何年矣。而世無一人知者。哀哉。

俗註論山用雙山五行從地卦查來龍入首論水用三合五行從天卦查水神去來者非

錢氏曰。以水爲龍。水即山也。坐水即同坐山。山上龍神。即坐山之來氣爲龍神。不

要池塘溝渠之水間斷。即爲不下水。水裏龍神。如來水之方。要清眞明淨。一道單纏

。輝光如鏡。無墩阜高砂。掩蔽陽和。即爲不上山。山上龍神不下水。只論山上龍

神。太祖少祖傳變至立穴處。有泡凸砂護。不必論水從何方消出。時師所謂山龍。總

在水法夾雜。如何方旺水到堂。何方消出。皆謬論也。水裏龍神。只溝水法之衰旺

。穴前水法。要取金水土星體格。界水環抱。水神不雜。卦氣清純。不夾雜旁卦。混

亂主運。

更有淨陰淨陽法。前後八尺不宜雜。斜正受來陰陽取。氣乘生旺方無煞。來山起頂須要知

。三節四節不須拘。只要龍神得生旺。陰陽却與穴中殊。

此淨陰淨陽。非陽龍陽向水流陽之淨陰淨陽也。蓋龍脈只從一卦來。則謂之淨。若雜他

卦。即謂之不淨。而辨淨與不淨。尤在貼身一節。或從前來。或從後至。須極清純。不

得混雜。八尺。言其最近也。言此尤爲扼要。所謂血脈也。一節以後。則少寬矣。此節
須純乎龍運生旺之氣。若一雜他氣。即是煞氣。吉中有凶矣。來水如此。來山亦然。須
審其起頂出脈結穴。一二節之近。要得龍神生旺之氣。蓋龍頂上聚。受氣廣博。能操禍
福之柄。即或直來側受之穴。結穴之處。與來脈不同。而小不勝大。可無虞也。此以知
山上龍神。水裏龍神。皆以來脈求生旺。而尤重在到頭一節。學者不可不慎也。
俗註以左轉右轉順逆爲陰陽者非

錢氏曰。更有淨陰淨陽法。此言山水之清純也。到頭入首近穴處。必要卦氣含元運用
之。倘雜他卦。即爲不淨也。入首一節。最關緊要。即氣口也。山之起頂。在近身
立穴一節。水之起頂。在貼身照穴一節。




三義太大。則向水雖
大。終不敵之也。



一派通行過宮水。祇看特大處。以第一節為重。



大在向前。义在左右。故以特大為重。



河水力大。三义特朝。故並重。一元有一元卦氣。三元龍運。有生旺有衰死。循環流轉。來脈清純。方是生旺。若駁雜。便是煞氣。

山有山之淨。水有水之淨。若以陽山見陽水。陰山見陰水。則反為不淨矣。陰陽從玄空卦中分出。即一六二七也。非世俗之論陰陽也。假如坎氣。子癸兼丑為出卦不純。收午丁水見未。亦為出卦不淨。餘可類推。氣陰水陽。氣陽水陰。故曰淨陰淨陽。八尺約計之辭。近穴第一節。或义口特大是也。在前在後。在左在右。必要極清極純。若雜他卦。便非純乎生旺矣。假如離水來前。午兼丙為淨。丙兼巳即為不淨。倘未水兼丁。可閃右立穴。使未變丁。如巳水兼丙。可閃左立穴。使巳變為丙。餘可類推。故


曰斜正受來。亦曰陰陽取。又如斜飛水。直冲水。溝渠水。雜來不淨。惟劃清陰陽之界。亦以立穴。斯為氣乘生旺。方無煞。大湖大蕩。眾水聚處為起頂。來水三义為出脈。收得宮神照神在一卦之內。為清真明淨。如上元甲子。大水在丙午丁方。內局或坐西朝東。或坐艮向坤。在父母兄弟一卦之中。即為龍神生旺。大水如在艮兌亦然。立向不必泥定朝坐。其旺自來。故曰陰陽却與穴中殊。按前所云。朱雀發源生旺氣。此言來龍淨而不雜。便是生旺。前後文義。原是一線。明乎此。知非雙山四局之生旺矣。脈穴二者。截然兩分。却又不能分為兩截。所以經中指出聯珠不相放。斜正二脈。單指天地二宮而言。若人元官。另有所取。不在其內。細玩寶照經自明。

天上星辰似織羅。水交三八要相過。水發城門須要會。却如湖裏鴈交鵝。

此以天象之經緯。喻水法之交會也。列宿分布周天。而無七政以交錯其中。則乾道不成。而四時失紀矣。幹水流行地中。而無支流以界割其際。則地氣不收。而立穴無據矣。故二十四山之水。其間必有交道相過。然後血脈真。而金龍動。大幹小支。兩水相會。合成三义而出。所謂城門者是也。湖裏鴈交鵝。言一水從左來。一水從右去。兩水相過

如鵝鴈之一往一來也。詳言水龍審脈之法。而立穴之妙。在其中矣。

錢氏曰。羅經即一天象。以物物一太極言之。動處為城門。水神環抱。必取水動處立穴。要收動處水法合運。所謂卦氣清純。蓋水法合吉凶之運。合得當運吉水。而葬立應富貴。此天機玄妙也。



富貴貧賤在水神。水是山家血脈精。山靜水動晝夜定。水主財祿山人丁。乾坤艮巽號御街。四大尊神在內排。生尅須憑五行布。要識天機玄妙處。乾坤艮巽水長流。吉神先入家豪富。

乾坤艮巽。各有衰旺生死。非可概用。須用五行辨其生尅。生即生旺。尅即衰死。生為吉神。死為凶神。要在玄空大卦。故云天機玄妙處也。

錢氏曰。合運為吉神。不合便凶。合運則乘生。故吉。不合運則受尅。故凶。請驗一家舊日墳。十墳埋下九墳貧。惟有一墳能發福。去水來山盡合情。

錢氏曰。去水來山。即雌雄法也。例如上元一白運。天一生水。地六成之。一生一成。一正一催。乃成水局。宜收一二三四之正神。水法顛倒輪之。宜收六七八九之零神。是為生旺。宮神照神。正吉催吉。此生彼成。水局之去水來山盡合情者。

吉順水
八 三 二

五 正吉 一六 七

吉順水
十 九 四

三八

五十 一六 二七

四九

宗廟本是陰陽玄。得四失六難爲全。三才六建雖爲妙。得三失五盡爲偏。蓋因一行擾外國。遂把五行顛倒編。以訛傳訛竟不明。所以禍福爲胡亂。

此節旁引世俗五行之謬。以見地理之道。惟有玄空大卦。看雌雄之法。所以尊師傳。戒後學也。蓋唐以後。諸家五行。雜亂而出。將以擾外國。而反以禍中華。至今以訛傳訛。流毒萬世。曾公所以辨之深切也歟。

錢氏曰。宗廟五行。卽洪範五行。出自洛書。一六水。二七火。三八木。四九金。五十土。得洛書陰陽之玄矣。但止收得金木水火。分屬四正四隅。則天地之四象雖得。而四象相處。分爲八卦。每卦有三爻。分爲二十四山。山各有六爻。而六爻相處。此生彼成。地理陰陽互根之旨。則未之得也。故曰得四失六。三才六建。出自奇門。奇門本於洛書。深得地理生成之妙。但不知每卦陰陽兩路。前兼後兼。係龍神向首分定之法。則其立穴收山。不能得五吉之旨。未免有偏枯之病矣。參明得四得三。失五失六。而大玄空之精奧亦得矣。

錢氏地理辨正參解

卷三

廣德錢文選士青甫述義

男若洋恭校

青囊奧語 唐楊松筠撰

此篇與前青囊序。本爲一篇。說已見前。清姜垚汝臬爲之注。姜氏係蔣大鴻門人。起首卽云。楊公得青囊正訣。約其旨爲奧語。以玄空之理氣。用五行之星體。而高山平地之作法。已該括於其中。然非得真傳口訣者。索之章句之末。終不能辨。謂之奧語。誠哉其奧語也。姜氏未見青囊奧旨。故有此言。

坤壬乙。巨門從頭出。艮丙辛。位位是破軍。巽辰亥。盡是武曲位。甲癸申。貪狼一路行。姜氏曰。挨星五行。卽九星五行也。貪巨綠文廉武破輔弼。一一挨去。故曰挨星。玄空大卦五行。亦卽挨星五行。名異而實同者也。此五行原本洛書九氣。而上應北斗。主宰天地化育之道。幹維元運。萬古而不能外也。此九星與八宮掌訣九星不同。唐使僧一行

作卦例以擾外國。專取貪巨武爲三吉。其實非也。夫九星乃七政之根原。八卦乃乾坤之法象。皆天寶地符精華妙氣。顧于其中分彼此。比優劣。眞庸愚之識。詭怪之談矣。止是天地流行之妙。與時相合者吉。與時相背者凶。故九星八卦本無不吉。而有時乎吉。本無有凶。而有時乎凶。所以其中有趨有避。眞機妙用。全須秘密耳。眞知九星者。豈惟貪巨武爲三吉。即破祿廉文輔弼五凶。亦有吉時。眞知八卦者。豈惟坎離乾坤四陽卦爲凶。即震巽艮兌四陰卦。亦有凶時。斯得玄空大卦之眞訣矣。奧語首揭此章。乃揆星大卦之條例。坤壬乙。非盡巨門。而與巨門爲一例。艮丙辛。非盡破軍。而與破軍爲一例。巽辰亥。非盡武曲。而與武曲爲一例。甲癸申。非盡貪狼。而與貪狼爲一例。此中隱然有揆星口訣。必待眞傳人可推測而得。若舊注以坤壬乙天干。從申子辰三合爲水局。故曰文曲。艮丙辛天干。從寅午戌三合爲火局。故曰廉貞之類。謬矣。又有云長生爲貪狼。臨官爲巨門。帝旺爲武曲。亦謬。

錢氏曰。上元貪巨祿。中元文廉武。下元破輔弼。

下元艮八局 巨不動

廉五 貪 弼

祿 輔心天 文

破 武 巨

下元離九局 破不動

武 巨 貪

文 弼心天 廉五

輔 破 祿

下元破七局 武不動

文 弼 輔

巨 破心天 祿

武 廉五 貪

姚秋農揆星條例。每元各局。俱有一星不動。

中元文四局 弼不動

貪 武 廉五

輔 文心天 破

祿 巨 破

中元武六局 貪不動

祿 輔 破

貪 武心天 巨

廉五 文 弼

下元震三局 文不動

弼 廉五 文

破 祿心天 輔

巨 貪 武

上元坤二局 輔不動

輔 文 祿

武 巨心天 破

貪 弼 廉五

上元坎一局 祿不動

破 巨 破

廉五 貪心天 武

弼 輔 文

上元震三局 文不動


弼 廉五 文

破 祿心天 輔

巨 貪 武



啞兒經北斗七星打劫法。



位列九星。方分三八。
 法本參天。道通河洛。
 配合陰陽。挽回造化。
 元空妙訣。妄傳不錄。

秘傳啞兒經北斗七星打劫之法。即挨星法也。經曰。三字經。口口傳。惟此文。貪巨祿。文曲尊。巨祿文。廉武星。祿文廉。武破軍。文廉武。破輔真。廉武破。輔弼巨。武

破輔。弼復生。遇廉貞。正配成。貪狼氣。起家聲。廉武破。輔弼生。巨祿文。吉凶神。破祿文。是惡星。四維朝。太極明。武破輔。弼曰君。破輔弼。貪之臣。輔弼貪。廉巨門。弼貪巨。到祿存。貪巨祿。文弼星。坎離劫。二氣成。此北斗。大翻身。楊曾訣。續譜成。

左爲陽。子癸至亥壬。右爲陰。午丁至巳丙。

姜氏曰。此節言大五行陰陽交媾之例。如陽在子癸至亥壬。則陰必在午丁至巳丙矣。自子至壬。自午至丙。路路有陽。路路有陰。以此爲例。須人自悟也。非拘定左邊爲陽。右邊爲陰。若陰在左邊。則陽又在右邊矣。亦可云左右。亦可云東西。亦可云前後。亦可云南北。皆不定之位。雌雄交媾。非有死法。故曰玄空。舊注自子丑至戌亥左旋爲陽。自午至申未右旋爲陰。謬矣。

錢氏曰。巽離坎乾。却有左右兩路。亦非虛語。

雌與雄。交會合玄空。雄與雌。玄空卦內推。

姜氏曰。玄空之義。見于會序江南節注。

錢氏曰。水屬雌。氣屬雄。若前面有曲水朝來。後面無濱同抱收。陽氣有雌無雄。不得謂之交會。後頭有濱同。而前無朝水。亦不得謂之交會。必前有特朝水。後有濱同。收住正神。方謂之交會。玄空卦要在氣水上推用。如氣與水兩相交姤。合得玄空妙理。一葬興隆。玄空五行。即寓在生成理數。故曰明玄空。只在五行中。

山與水。須要明此理。水與山。禍福盡相關。

姜氏曰。山有山之卦氣。水有水之卦氣。脫不得陰陽交媾之理。山有山之禍福。水有水之禍福。有山禍而水福。有山福而水禍。有山水皆福。有山水皆禍。互相關涉。品配爲用。

錢氏曰。山與水要合三才合穴。如寅申巳亥之水動。有義港兜抱。看此情意。合何元運立向。如上元一白當令。有寅亥水三義河港。須立丁癸兼午子向。是也。坎前亦

要離九水界抱。

明玄空。只在五行中。知此法。不須尋納甲。

姜氏曰。九星五行大卦之法。只明玄空二字之義。則衰旺生死。瞭然指掌之間。不必尋

乾納甲。坤納乙。巽納辛。艮納丙。兌納丁。震納庚。離納壬。坎納癸。之天父地母。一行所造卦例矣。

錢氏曰。納甲者。龍納也。中爻係父母。中氣旁爻。甲卯乙乾坤定位於震。庚酉辛雷風不相薄乎兌。丙午丁山澤通氣乎離。壬子癸水火不相射乎坎。如上元憑一白龍配六白爲成數。是爲尋得首尾法。而坎宮壬與癸。皆到頭矣。

顛顛倒。二十四山有珠寶。順逆行。二十四山有火坑。

姜氏曰。顛倒順逆。皆言陰陽交媾之妙。二十四山。陰陽不一。吉凶無定。合生旺則吉。逢衰敗則凶。山山皆有珠寶。山山皆有火坑。毫厘千里。間不容髮。非真得青囊之秘。何以能辨之乎。

錢氏曰。山必順來。而反逆至。水須倒排。而反順至。俱謂之火坑。顛顛倒者。即陰陽互根之妙。如四隅本逆。龍反順行。四正本順。龍反逆取。若順者順。逆者逆。是所謂順逆行也。上元一白當令。收離水。即顛顛倒。如用坎水。即爲順用。有火坑之禍。不吉。餘倣此。

認金龍。一經一緯義不窮。動不動。直待高人施妙用。

姜氏曰。易云乾爲龍。乾屬金。乃指先天眞陽之氣。無形可見者也。地理取義于龍。正謂此耳。一經一緯。卽陰陽交媾之妙。金龍之經緯。隨處而有。而動與不動。去取分焉。必其龍之動。而後妙用出焉。若不動者。不可用也。金龍既屬無形。從何可認。認得動處。卽知用法。所以有待高人也歟。

錢氏曰。金龍者。得運之水也。天卦一三九七左旋爲經。二四六八右旋爲緯。一生一成也。動爲得運。不動爲失運。三星爲經。玄空爲緯。金龍者。陽神也。山龍有山之陽神。水龍有水之陽神。山龍之陽神。太祖少祖傳變至穴後爲陽神。水之陽神。曲折環抱至立穴前。合水土金之星體。水局動處。收清卦氣。爲陽神是也。一經一緯。陰陽對待也。

第一義。要識龍身行與止。第二言。來脈明堂不可偏。第三法。傳送功曹不高壓。第四奇。明堂十字有玄微。第五妙。前後青龍兩相照。第六秘。八國城門鎖正氣。第七奧。要向天心尋十道。第八裁。屈曲流神認去來。第九神。任他平地與青雲。第十眞。若有一缺非

真情。

姜氏曰。上節言金龍之動不動。而此節緊頂龍身行與止。學者不可忽也。蓋有動則有止。不動。則雖有金龍。只云行龍。原無止氣。故高人妙用。以此爲第一。有此一著。然後其餘作法。可次第而及也。來脈明堂不可偏。非謂來脈必與明堂直對。不可偏側也。若如所云。則子龍必作午向。亥龍必作巳向矣。來龍結穴。變化不一。有直結者。有橫結者。有側結者。豈容執一。楊公之意。蓋謂來脈自有來脈之受氣。明堂自有明堂之受氣。二者須各乘生旺。兼而收之。不可偏廢也。傳送功曹。乃左右護龍星辰。蓋眞龍起頂。必高于護砂。乃爲正結。若左右二星。互壓本山。非龍體之正矣。平地亦然。貼身左右。有高地掩蔽陽和。房分不利。俗術所不覺也。十字玄微。乃裁穴定向之法。雖云明堂。實從穴星內看十字。明此十字。則穴之上下左右。向之偏正饒減。盡于此矣。其云玄微。誠哉其玄微也歟。前後青龍兩相照。從案托龍虎定穴法者。此義易知。八國城也。八國有不滿之處。是曰城門。蓋城通正氣之出入。而八國鎖之。觀其鎖定之方。便知是何卦之正氣。以測衰旺而定吉凶也。故曰秘。天心十道。緊頂八國城門而來。蓋

城門既定正氣之來蹤。而又當于內分清十道。乃知入穴正氣。廣狹輕重。銖兩平衡之辨。故曰奧。此兩節專言入穴測氣。非論形勢也。不然。則與明堂十字。前後青龍兩條。不幾于複乎。屈曲流神。已是合格之地。然有此卦來則吉。彼卦來則凶者。概以屈曲而用之。誤矣。須有裁度。乃可變通取用。故曰裁。以上皆審氣之真訣。至微至渺者。一著不到。將有滲漏而失真情矣。平地高山。總無二法。上八句各是一義。末二句。不過叮嚀以囑之。語氣湊泊。借成十節耳。

錢氏曰。龍之行者。其氣散漫。一水經流。並無叉港支河。縱環抱俱爲行龍。何也。水無動處。其氣未能團結。必要分出支河叉港。乙字灣身。屹立而止。水龍如是。山龍亦然。如下元離龍當令。必顛倒輪之。用坎方水者。離爲生氣。坎爲煞。必得坎方之水。界住坎方之煞。則煞爲水阻住。而離上之生氣自來。且以坎方之水。引動離方旺炁。直到坎方。以成交媾。就山龍觀之。如下元九紫當令。要午方來脈爲生炁。出陽來脈有墩。左右砂抱立穴。卽爲大地。水法大動大結。小動小結。一陰一陽。相摩相蕩。一氣一血。此吸彼呼。相感而通。凝結不散。千古不易之秘訣也。

龍身行止從何處辨。一在界水有無而已。有界水則爲三義而止。無枝流則無界割而行。

·水龍變態不一。而行止之辨。大約如此。龍身行與止。平洋水神環抱。其氣方止。

若山龍行止。堂前沙聚水會。抱向穴邊。其氣方止。若兩沙豁開。元神走泄。其氣行

矣。來脈者朝水也。朝水有朝水之氣。如一節離水。一節坎脈。一節巽水。一節乾脈

·楊公來龍篇所載是也。明堂者。堂局也。一局有一局之氣。如近離水。爲坎局得坎

氣。近艮水。爲坤局得坤氣。楊公定卦篇所載是也。二者不可偏廢。故曰不可偏。然

玄空所乘之局氣。不敵所乘之朝氣。或曲折朝迎。或堂面開一小洋。則來脈氣大。局可不

論。如朝入之水。遠而不見。見而不明。則局氣乃立命之原。不可不慎。四望平坡之

地。來脈不見。局又失元。作者往往開一漣。以就旺運。不知漣口便有三義。便作來

脈論。水氣又重於局氣矣。此必在旺方始可。否則爲禍甚烈。更有人以叉口失元。開一

小漣。不知此名爲茶槽。亦大不宜。不可偏者。一生一成。來脈與明堂也。子午卯

酉。必立乾坤艮巽向。乾坤艮巽。必立甲庚壬丙向。水一生成。向一生成也。

平洋之法。左低右低後低。(全部千里眼。不過此一句之衍文耳。慎毋以小節忽之。)

惟自穴以前。無論左右皆宜高。後低主壽。前高主財。兼平洋山龍而言。如左右有兩濱夾出。不見白光。謂之不壓。如白光一見。即雜他卦矣。此言水龍也。若山龍。堆阜民房大墓茂林寺觀。俱是掩壓。

前朝後抱。左包右裹。從中立穴。急葬則前逼無餘氣凶。緩葬則水收不足敗。面朝或大或直或急。宜移後。後水或硬或斜或尖。宜移前。左有情宜移左。右有情宜移右。穴場或金星或土星。宮神方正。貼對來水。明堂之中。如來水大。立穴宜進。來水小。立穴宜出。即是玄微。

前後青龍兩相照。此即幹水支流。交相環抱之義。若前朝後托。左抱右迴。中心立穴。處處有情。忌斜飛硬直尖銳諸凶格。一云正神爲後青龍。零神爲前青龍。如上元甲子。坤壬乙三方氣來。爲後青龍。艮丙辛三方水朝。爲前青龍。故云兩相照。有對待生成兼收之義。

八國。城也。即界抱之水也。又即八卦。城即土城金城之城門。即去來二口之三一。八國不滿之處。界水不及到之地。旺氣之所出入往來。猶城之有門也。若鎖得當運之正

氣。其地方爲全美。如城門一雜他卦。反爲煞氣。半吉半凶。故曰八卦只有一卦通。

正氣者。元中旺氣也。如上元收坤壬乙。中元巽中乾。下元收離兌艮。當以天心十道

互看此城門。非青囊序水發城門須要會之城門。彼以界水三義言。此以實地言。不可誤認天心。即元運也。如去來二口環繞動照。必於立穴之處分清十道。俱合天運生

旺較前明堂十字。更有奧義。蓋明堂十字。只視地闊狹長短之中畫十字。分南者爲坎氣。北者爲離氣。東者爲兌氣。西者爲震氣。在十字定進退饒減高低立穴。而天心十道。

則於立穴之處。畫清十道。看來水屬何宮。環繞動照屬何宮。去水屬何宮。務須尋得天運生旺清潔。如上元收離水。近上數尺看。在丙午丁三字內。遠立穴數丈之外看。亦不出丙午丁三字。所謂合得天心造化工也。凡水路朝入之氣爲外氣。濱腳轉入之

氣爲內氣。二氣兩相合元。便是十道。但此處其細如綫。乘之法。必據一線之中。

若略左略右略前略後。不無輕重多寡之殊。故不可不細尋也。屈曲流神。終以得元吉。失元凶。認去來者。非別其去來也。認去與來之屬何卦氣也。得元則來固吉。去亦吉。失元則去固凶。來亦凶。但看輕重之差耳。來水曲處。爲數錢水。如此手轉遞彼手

樣。去水曲處。為龍去回頭。俱要在旺宮之內。收得清潔。



不見來脈
論局

幕講師三堂式

壬水近。午水遠。似為離局。
• 然有來脈。故上元大言。
過宮之水。如此等
地。必須論局。

又低

堂低

明低

又低

天宜漸低主壽。

不滿之處即是空。
此即受氣之方位。

水以三義為城門。正氣鎖在受氣處。山以入首為城門。正氣鎖在束氣處。以三義為城

門者。即水以求龍。蓋水能引動實地龍神。故名之曰水龍。一而二。二而一也。

三義城門

三義城門



水局不定。
有正有偏。

八卦祇有一卦通。鎖定正氣。不論
正受腰受湧泉受。但就局勢定之。



明倒杖。卦坐陰陽何必想。

姜氏曰。此以下二節。專指山龍穴法。與平地無涉。因世人拘執淨陰淨陽之說。故一語

破之。倒杖。非必如俗傳十二倒杖法。此後人偽造也。只接脈二字。足盡倒杖之真訣。

既知接脈。便知真穴。既得真穴。便有真向。自然之陰陽已得。又何必淨陰淨陽之拘拘

哉。

錢氏曰：倒杖者。後坐山。前朝山。五里山相對。指明十字而已。對者。以不對對之。五里山。如坎龍用巽。離龍用乾。

識掌模。太極分明必有圖。

姜氏曰：山龍真穴。必有太極暈藏于地中。此暈變化不同。而其理則一。非道眼孰能剖露哉。

錢氏曰：到頭一星。石骨棱起。分爲八字。中間藏土。

知化氣。生尅制化須熟記。

姜氏曰：生旺之氣爲生。衰敗之氣爲尅。扶生旺之氣。去衰敗之氣。是爲制化。此一節兼平地而言。

錢氏曰：是玄空五行之生尅。非俗說五行之生尅。知此則葬經生尅章。爲有據矣。

說五星。方圓尖秀要分明。

曉高低。星峯須辨得玄微。

鬼與曜。生死去來真妙。

姜氏曰：此三節。皆論山龍形體。不須另解。鬼曜之生死去來。是辨龍穴之要著也。龍之轉結者。背後必有鬼。有穴星如許長。而鬼亦如許長者。俗眼難辨。有反在鬼上求穴者。不知穴星是來脈爲生。鬼身是去脈爲死。察其去來。而真僞立辨矣。盡龍左右龍虎。都生曜氣。向外反張。有似乎砂之飛走者。此真氣有餘。直衝上前。而餘氣帶轉。如人當風振臂。衣袖飄揚。反向後也。在真龍正穴。則爲曜氣。在無有穴之地。則爲砂飛。此其辨在龍穴。而不在砂也。

錢氏曰：穴星與鬼等長。多從此處迷眼。而正結反致拋荒。會不一顧。必有法眼。乃能辨龍穴。法眼者。非別有神慧也。循規遵矩。乃真法眼耳。

向放水。生旺有吉休凶否。

姜氏曰：向中放水。世人莫不以來水特朝爲至吉。去水元辰走泄爲至凶。殊不知向上之水不論去來。若合生旺。則來固吉。去亦吉。若逢休凶。則去固凶。來亦凶。楊公因向上之水。關係尤緊。其說最能誤人。故特辨之。

錢氏曰：生旺者。龍氣也。旺去迎生。生來會旺。得生即可會旺。收旺即可迎生。玄

空之秘奧盡之矣。雌雄之密旨顯然矣。收生收旺之妙訣。說破爾爾。是乃玄空之捷訣也。彼言長生何其惑。

二十四山分五行。知得榮枯死與生。翻天倒地對不同。其中秘密在玄空。認龍立穴要分明。在人仔細辨天心。天心既辨穴何難。但把向中放水看。從外生入名爲進。定知財寶積如山。從內生出名爲退。家內錢財皆廢盡。生入尅入名爲旺。子孫高官盡富貴。

姜氏曰。玄空大卦之妙。只翻天倒地對不同七字。二十四山。既分定五行。則榮枯生死。宜有一定矣。及其入用。有用于此時則吉。用于彼時則凶者。時之對不同者。其一也。有用之此處則吉。用之彼處則凶者。物之對不同者。又其一也。此其秘密之理。非傳心不可。天心卽上文第七奧之天心。另有辦法。非時師所謂天心十道也。若如時師之說。又何用仔細耶。天心既辨。則穴中正氣已定。而撓其權者。在向中所放之水也。從外生入。從內生出。此言穴中所向之氣也。我居于衰敗。而受外來生旺之氣。所謂從外生入也。我居于生旺。而受外來衰敗之氣。似乎我反生之。故云。從內生出也。此言穴中所向之氣。穴中既有生入之氣矣。而水又在衰敗之方。則水來尅我。適所以生我也。內外之氣。一生一尅。皆成生旺。

兩美相合。諸福畢臻。所以高官富貴。有異于常也。此其中。正有對不同者存焉。舊注所云小玄空。水生向尅向爲進神。向生水尅水爲退神。非是。青囊豈有兩玄空五行耶。錢氏曰。天心。卽九星中之天心。又卽八卦之開門。又卽六白武曲也。辦法。一二三四順排九宮。九八七六逆排九宮。故交一白運。坎上起貪。二運坤起貪。三運四運做此。俱挨次順排。武曲遇武曲所到之宮。卽知天心屬在何宮矣。交五黃後。則用逆排。九紫運離上起貪。逆退數天心。八運七運六運做此。俱挨次逆排。武曲遇武曲所到之宮。卽知天心屬在何卦矣。貪狼與武曲對待相比。總不出陰陽奇偶生成位數。以之認龍。可不仔細辨天心乎。故曰天心既辨穴何難矣云。天心指中宮而言。中宮屬土。水火之所居。金木之所處。而資養萬物者也。如一與九交。則六得中氣爲天心。故悟眞篇曰。四象五行全藉土。然土無水不交。故又重乎乾水。此貪武聯珠法也。如一與九交。九六合五。得中氣。然顯言之。總不出陰陽奇偶生成位數。曰天心。蓋探星理之蘊奧也。邵子曰。數點梅花天地心。梅花五瓣。天心一陽初動處也。山龍向上。水龍坐下。不論生旺宜開。衰敗宜閉。如八兌。乾宜開。如一震。巽宜閉。

脈息生旺要知因。龍歇脈寒災禍侵。縱有他山來救助。空勞祿馬護龍行。

姜氏曰。此下二節。總一篇之意。言先尋龍脈。以定穴之有無。次論九星。以辨氣之吉凶也。此一節先言形體。而以來龍之脈息爲重。外砂之護夾爲輕。

勸君再把星辰辨。吉凶禍福如神見。識得此篇妙真微。又見郭璞再出現。

姜氏曰。此一節。乃言卦氣。而以九星大五行爲主。言如上節所云。雖得來龍脈息之真穴。而吉凶禍福。尙未能取必。勸君再將挨星訣法。細審衰旺生死。而後可趨吉而避凶。轉禍而爲福。一篇之旨。不過如此。苟能識其微妙。前賢與後賢。一般見識。一般作用。青囊三卷。更無餘義矣。

總論楊公此篇。其言玄空大卦。挨星五行。即青囊經上卷陽生于陰之義。而下卷理寓于氣之妙用也。其言倒杖太極暈。五星脈息。即青囊經中卷形止氣蓄之義。而下卷氣囿于形之妙用也。一形一氣。括盡青囊之旨。而究其玄機正訣。如環無端。不可捉摸。謂之曰語奧。宜哉。

錢氏地理辨正參解

廣德錢文選士青甫述義

男若洋恭校

卷四

天玉經

唐楊益筠松撰。僖宗朝爲國師。官至金紫光祿大夫。掌靈臺地理事。黃巢破京城。乃斷髮入岷崙步龍。後至虔州。以地理術行世。號爲救貧先生。有疑龍。撼龍。立錐賦。青囊。三十六龍等書。天玉經其一也。清蔣平階大鴻爲傳。經文僅有內傳。分上中下三篇。而未見有外傳也。

內傳上

江東一卦從來吉。八神四個一。江西一卦排龍位。八神四個二。南北八神共一卦。端的應無差。

天玉內傳。即青囊奧語挨星五行。玄空大卦之理。楊公妙用。止有一法。更無二門。此乃

反覆其詞。以授會公安者也。江南江北。江東江西。會序已先下注脚矣。但南北東西。應有四卦。而此云三卦者。緣玄空五行。八卦排來。止有三卦故也。江東一卦者。卦起于西。所謂江西龍去望江東。故曰江東也。八神。即八卦之中。經四位而起父母。故曰八神四個。言八神之中。歷四位也。一者。此一卦只管一卦之事。不能兼通他卦也。江西一卦者。卦起于東。反而言之。即謂江東龍去望江西亦可。故曰江西也。亦於八卦之中。經四位而起父母。故亦曰八神四個二者。此一卦兼管二卦之事。而不能全收三卦也。此如坎至巽乃第四位。巽至兌亦第四位。八卦之中。各經四卦。故曰八神四個也。南北八神者。乃江北一卦。所謂江南龍來江北望也。不云四個者。此卦突然自起。不經位數。與東西兩卦不同也。八神共一卦者。此卦包含三卦。總該八神。又非八神四個二之比也。夫此東西南北三卦。有一卦止得一卦之用者。有一卦兼得二卦之用者。有一卦盡得三卦之用者。此謂玄空大卦。祕密寶藏。非眞傳正授。斷不能洞悉其妙者也。

俗注。寅至丙爲東卦。申至壬爲西卦。午至坤爲南卦。子至艮爲北卦。非。

錢氏曰。古以天卦爲東卦。地卦爲西卦。楊公看雌雄。以二十四龍分爲三卦。江東一卦

江西一卦。震兌始交。共一父母。江南江北水火既濟。共一父母。四經五行。以二十四位

列爲四龍。一龍六位。亦分三卦。而四方始定。天卦地卦。皆准乎此。內傳篇。九星分

配天地人三元。原是三卦。天屬陽。地屬陰。人處天地陰陽之中。是以分三才。則有

三。分陰陽。則止二。故八卦只分江東江西兩卦。江東屬陰。江西屬陽。南北共一卦

。兼收江東江西兩卦。八神包羅總括。猶人處天地之中。天地之氣。無所不論也。

江東指氣言。則一二三屬上元。此江東一卦。卦起於西。西兌七也。主水言。屬下元。

水來自震。則氣從兌七至。故反而名之曰江東。謂江西七八九之龍氣在江東。三二一

是江東之卦。卦指江西。故卦起於西七爲統龍。八神即八卦。四個者。數至第四位。

更起一兄弟之卦也。兌之第四爲艮。艮之第四爲離。皆下元之卦也。一者。一元也。

又一者。奇也。江東一二三水。配先天乾震坎艮氣。四卦皆奇。故曰四個一。如得卯

氣百步。正長男代父行令。三卦始通。可收上元一統齊旺。此與歸厚錄不同。然當以

此爲準。此時東向之地。兼艮者發。專局者盡亡矣。

江西一卦。卦起于東。東震三也。屬上元。水從兌來。則氣自震至。故反而名之曰江

西。震之第四爲坤。坤之第四爲坎。坎坤震皆上元之卦也。上元之卦。其餘氣實能兼管中元。故曰二。二者。兩元也。又二者。偶也。江西九七八六水。配先天坤巽離兌氣。四卦皆偶。故曰四個二。上元一二三。將中元四祿合在江東爲四個。統運氣八十年。父母兄弟子孫。三吉六秀。異名而同一。故曰四個二。江西六七八九。共統運氣八十年。此一卦管中元下元發福之故。故曰四個二。以離氣爲主。七赤爲統龍。收壬子癸水特朝。如得離氣百步。有坎離交媾之妙。可救五六七八九百年統運。

南北就上元提出坎北一卦而言也。兼言南者。陰陽對待之意。此卦力量最大。能包涵上中下三元卦。兼八卦賅八神。故名曰統龍。而三元不敗之卦也。若離屬下元。祇管一卦。非坎比矣。

三卦者。上中下元各一卦。而一元之內。又有三卦。三三共九。正洛書流行之數。楊公三分九宮爲三大卦。一二三爲上元卦。四五六爲中元卦。七八九爲下元卦。曰玄空。曰東西。曰父母。皆別其名也。此乃天心之奧。故三大卦之卦。爲大父。爲大母。而二十四路爲子爲孫。人能知得三卦。地理之生旺衰死。亦無不知。細分之有一大卦。即有三卦。




故一元各三卦。以三字爲一卦。中一字爲父母。兩旁二字爲子息。用中一字再無不真。若用左一字。而左之左即屬他卦矣。何得言真。右可類推。三大卦與各元三卦。及三卦三爻。勿混看混用。

八卦分開東西兩個卦。細分之則三卦。分先天四陽卦爲上元。一乾。二震。三坎。四艮是也。分先天四陰卦爲下元。九坤。八巽。七離。六兌是也。陰陽配而零正明。經緯之說。交媾之義。顛倒之旨。胥不外是。坤坎震屬江東一卦。而寄體於西。八艮九離七兌屬江西一卦。而寄體於東。四五六則南北中一卦。而分屬上下兩局。

上元一局
用乾

又陰陽界分
經緯城門

又



知三卦之旨。斯能知四吉四凶。分順逆之旨。五黃立極於中。週圍水法流通。乾坤艮巽開口。八神齊到穴。立坎離交媾子山午向。即爲寅申巳亥四孟裝。至尊至貴。其地或方或圓。大圩包小圩。三四十畝間。俱係端正。方得應驗無差。江東卦可作五黃局。江西卦亦可作五黃局。以其二卦之中權故也。扦穴之法。東邊水大。西邊水小。宜略傍西定穴。南邊水大。北方水小。亦宜傍北扦穴。要取水土相得。四面見水白光爲妙。此南北八神共一卦之作用也。

二十四龍管三卦。莫與時師話。忽然知得便通仙。代代鼓駢闐。

二十四龍。本是八卦。而八卦又分爲三卦。此玄空之秘。必須口傳。若俗注丙本南離。而反屬震卦。壬本北坎。而反屬西卦。牽強支離。悖理之極。且云四個一者。寅辰丙乙四個在一龍。四個二者。申戌壬辛四個在二龍。又屬無謂。

天卦江東掌上尋。知了值千金。地畫八卦誰能會。山與水相對。

天地東西南北。皆對待之名。所謂陰陽交媾。玄空大卦之妙用也。此節方將山與水相對一言。略指一班。泄漏春光矣。非分天卦于江東。分山水相對于地卦也。若以辭害意。分

別支離。即同癡人說夢矣。

俗注。天卦地支從天干。以向論水神旺墓。地卦天干從地支。以龍論山水生死。可笑。

錢氏曰。山是平洋坐山。不指山龍而言。兼前兼後。以天干從地支。山水相對之用也。

• 是爲三合之祖。

父母陰陽仔細尋。前後相兼定。前後相兼兩路看。分定兩邊安。

卦有卦之父母。爻有爻之父母。皆陰陽交媾之妙理。此節前後。指卦爻而言。一卦之中爲父母。卦前卦後。偏旁兩路。即爲子息。若不仔細審察。恐于父母之胎元不真。而陰陽有差錯矣。

俗注。以前兼後爲天卦。屬向首。後兼前爲地卦。屬龍家。爲兩邊者非。

錢氏曰。本元管運之卦爲父母。而父母卦又有爻神。即子息也。前後相兼者。亦須一陰一陽。各相交媾。故曰陰陽仔細尋也。一元之內。有三卦。爲父母。即三吉也。假如坎卦中一爻子字。是父母。旁二爻壬癸。屬子息。合坤卯旁之未申甲乙四爻。即爲六秀。• 用父母之中氣。胎元的真。若前後相兼。須極清極純。一混旁宮旁卦。便成舛錯。

• 前後相兼。陰陽自相交媾。圓圖六十四卦之分晰。不可不仔細分定也。訣曰。九四三八二七六一雙陰雙陽。順逆輪排。

卦內八卦不出位。代代人尊貴。向水流歸一路行。到處有聲名。龍行出卦無官貴。不用勞心力。只把天醫福德裝。未解見榮光。

八卦之內有三卦。在三卦之內。則爲不出卦而吉。三卦之外。即爲出卦而凶。向須卦內之向。水須卦內之水。二者皆歸本卦。則全美矣。天醫即巨門。福德即武曲。此乃一行所造小遊年卦例。以湊挨星之真者也。蓋謂世人誤認卦例爲九星五行。必不能獲福也。

錢氏曰。時俗所講九宮。以天醫福德爲東四西四者。必不驗之數也。

倒排父母蔭龍位。山向同流水。十二陰陽一路排。總是卦中來。

倒排父母。即顛倒顛之義。陰陽交媾。皆倒排之法。山向與水神。必倒排以定陰陽。十二陰陽。即備二十四山之理。言雖有二十四位陰陽。總不脫八卦爲父母也。

錢氏曰。倒排父母。如一白運收九紫水。即倒排也。若一白收一白水。及二三之水。是順排矣。陰陽無配。龍位莫蔭。若知蔭龍水。必要雌雄媾。

關天關地定雌雄。富貴此中逢。翻天倒地對不同。秘密在玄空。

雌雄交媾之所。乃天地之關竅。知其關竅。而后交媾可定也。江南龍來江北望。江西龍去望江東。此爲翻天倒地。已詳奧語注中。

俗注。以辰戌丑未爲關天關地非。

錢氏曰。關竅二字要訣。關。即關動之關。天卦左旋。地卦右轉。陰陽互根。所以定雌雄交媾也。亦即翻天倒地。

三陽水向盡源流。富貴永無休。三陽六秀二神當。立見入朝堂。

三陽者。丙午丁也。天玉青囊既重挨星生旺矣。而此節提出三陽。別有深意。非筆舌所能道。六秀者。本卦之二爻。故曰二神。天玉以卦之父母爲三吉。以卦之子息爲六秀。俗注。艮丙巽辛兌丁爲六秀非。

錢氏曰。指上元坎卦局。是三元不敗之局。蓋丙午丁水。係先天乾位。爲三男之父。故獨重。爲三陽。非他卦可比。下三陽字。作三吉解。謂三卦之中氣也。以三卦兩旁之干支二神爲六秀。當即共路二神爲夫婦之義。元中三卦。中爻爲三吉。三卦旁爻

爲六秀。並不忌辰戌丑未中四水。得元之地。諸凡惡躍。皆所不忌。然得元之時。當預爲失元之計。故凡砂水不入格者。皆不可收。

一云。上元江東卦。以丙午丁爲三陽。以寅午戌艮丙辛爲六秀。下元江西卦。以壬子癸爲三陽。以申子辰坤壬乙爲六秀。附錄備證。

水到玉街官便至。神童狀元出。印綬若然居水口。玉街近台輔。鑿鑿鼓角隨流水。豔豔紅旂貴。

鼓角紅旂。皆以形象言。

俗注。乾坤艮巽爲玉街。長生前一位爲鼓角。後二位爲紅旂非。

錢氏曰。玉街。乾也。合上節三陽水向。而四卦生成配合之妙見矣。看來離宮丙午丁三陽水。向顛倒順逆裝排。只完得先後天乾宮一卦。此爲江東一卦氣運而言。若論江西一卦氣運。則以先後天坤卦爲主。乾父坤母。相爲終始者也。知三陽之妙。卽知挨星之訣矣。否則何以能盡源流也。

上元江東卦坎局

坤 三神 二玉街
一六 坎 一催官水

坎爲貪狼。統領諸卦。其氣悠遠。此三元不敗之局。

十後印 震 四神
下元江西卦離局
六後天坤水 兌 十乾

離 九癸子壬

此雖得後天坤水。却非生成催官。故不及貪狼局氣。

八離官 七水 艮

上按三才并六建。排定陰陽算。下按玉輦捍門流。龍去要回頭。

三才。卽三吉。六建。卽六秀。此節上二句論方位。故須排定陰陽。下二句論形勢。玉輦捍門。皆指去水。須纏身兜抱。謂之曰回頭也。

俗注。以長生諸位爲六建。及玉輦捍門。俱就方位言者非。

六建分明號六龍。名姓達天聰。正山正向流支上。寡夭遭刑杖。

下二句緊接上二句而言。水之取六建是矣。然卦之山向。在四隅卦中。則用本卦支神之六建。在四正卦中。又當用本卦干神之六建。若卦取正山正向。而水又流他卦之支上。是陰差陽錯。而必有寡天刑杖之憂矣。舉四正卦。而四隅卦不辨自明矣。此節以下。專辨干支零正。陰陽純雜。毫厘千里之微。

錢氏曰：支神六建。四隅卦。兩旁爻也。干神六建。四正卦。旁兩爻也。正山。即正神。言祖脈也。正向。言向首也。山向皆不出卦。可云吉矣。而流去他卦之支。則出卦而凶。即如上元三卦。壬子癸一。未坤申二。甲卯乙三。若用壬子癸一卦。以子爲中氣。即爲父母。若坤若卯。爲他卦之父母。即爲兄弟。何也。總在一元之內。亦大父母一氣之卦。是一家骨肉。雖似出卦。而實非出卦。如收九紫水。只宜丙午丁三字。若丙旁有巳水。丁旁有未水。即爲流支上。蓋丙丁干。而已未支也。

共路兩神爲夫婦。認取真神路。仙人祕密定陰陽。便是正龍岡。

共路兩神。即一干一支也。一干一支。皆可爲夫婦。然有真夫婦。有假夫婦。真夫婦爲正龍。假夫婦即非正龍矣。如巽已爲真夫婦。丙午亦真夫婦。若已丙則不得爲真夫婦矣。

其他做此。

陰陽二字看零正。坐向須知病。若遇正神正位裝。撥水入零堂。零堂正向須知好。認取來山腦。水上排龍點位裝。積粟萬餘倉。

青囊天玉。蓋以卦內生旺之位爲正神。以出卦衰敗之位爲零神。故陰陽交媾。全在零正二字。零正不明。生旺必有病矣。若知其故。而以正神裝在向上爲生入。而以零神裝在水上爲尅入。則零堂正向。豈不兼收其妙乎。向水既妙。而來山之腦。未必與坐向相合。又當認取。果來山又與坐向同在卦內。則來脈又合。非但一向之旺氣而已。惟水亦然。蓋山有來山之腦。水亦有來水之源。水龍即是山龍。亦須節節排去。點位裝成。果能步步零神。則水之來脈。與水之入口同一氣。山之坐向。與山之來脈同一氣。斯零正二途。別無間雜。而爲大地無疑矣。

錢氏曰：外朝之水。須倒排零神。坐後之水。須順收正神。排龍之法。水山大異。山必順排。水必逆排。故曰顛倒。又曰：翻天倒地。如上元甲子坤壬乙氣爲正神。艮丙辛水爲零神。交媾成胎。病與好須知。如丑宮戌宮。皆爲上元甲子。自庫借庫。救貧水。

也。立穴須貼近零神之水。廣收正神之氣。若收坤壬乙水到堂。即犯殺命黃泉之大病矣。如艮丙辛收入局內。或朝或坐。或左照或右照。三方但屬旺神。而又向法合得本元陰陽妙理。斯得撥水零堂之法矣。收法總以中氣爲貴。若兩旁雖發。不過財丁秀。乘氣專主腦宮。然腰受足受亦多。是在隨局取裁。故有坐滿朝空者。亦有坐空朝滿者。并有攀倚挾綴諸法。種種不一。認取者。倒騎之法也。即龍到頭。但坐向須在卦內耳。至水上排龍。如旺元之水。照在左邊。長房發。照在右邊。小房興。山上冲來房房發。即是點位裝神之法。

正神百步始成龍。水短便遭凶。零神不問長和短。吉凶不同斷。

此承上文而言。正神正位裝。向固吉矣。然其向中來氣。須深遠悠長。而后成龍。若然短淺。則氣不聚。難以致福。至于水則不然。一遇正神。雖一節二節。其殺立應矣。其零神之長短。又與正神有異。使零神而在水。雖短亦吉。若零神而在向。雖短亦凶。是零神之吉凶。在水內之分。而不係乎長短也。

錢氏曰。上元坤壬乙氣入穴爲正神。收艮丙辛水對待零神。中元辰亥氣入穴。乾巽兩

催。坎離一交。點穴居中。辰中有土能助五黃中氣。中元特發。下元收艮丙辛氣入穴。爲正神。收坤壬乙水來朝爲零神。最重者水交氣止。要收得運生旺之水。爲到頭一節。立穴於龍到頭之處。龍到頭。零神也。即近身貼穴之一節龍是也。或三叉口。或濱低匯角水聚之處亦是。故當以零神裝在水口之上。以正神裝在山脈之上。則煞水到堂。正生氣貫脈矣。此陰陽交媾之妙。而收山出煞之秘也。凡步水以四尺八寸爲一步。水慢三年行一步。水急一年行一步。不急不慢。二年行一步。太歲冲動見吉凶。龍穴眞方驗。

父母排來到子息。須去認生尅。水上排龍點位分。兄弟更子孫。

亦承上排龍而言。卦之中氣。爲父母。卦之二爻爲子息。而本宮他卦之父母爲兄弟。上二句言山上排龍。下二句言水上排龍。山上排龍。從父母排到子息。總是一卦。則卦氣純矣。然須認其卦之生尅。若得卦之生氣。則純乎吉。若得卦之尅氣。則純乎凶矣。豈可以其卦之純一。而遂謂吉哉。山上排龍。來脈一路。大都只在一卦之內。至于水上排龍。則不然。水有一路來者。亦有兩三路來者。故須照位分開。而不能拘一卦之父母。只要

旁來之水。亦在父母一氣之卦。謂之兄弟。兄弟卦內。又有子孫。雖非一父母。而總是
一家骨肉。來路雖多。不害其爲吉也。凶者反是。

二十四山分兩路。認取五行主。龍中交戰水中裝。便是正龍傷。前面若無凶交破。莫斷爲
凶禍。凶星看在何公頭。仔細認蹤由。

此一節。專舉卦之差錯者而言。兩路者。陰陽生死也。二十四山。每山皆有兩路。非分
開二十四山歸兩路也。兩路之中。須認取五行之所主。五行所主。貴在清純。若龍中所
受之氣。既不清純。而吉凶交戰矣。倘能以水之清純者救之。庶龍氣遇水制伏。而交戰
之凶威可殺。奈何又將龍中交戰之卦。裝入水中。則生氣之雜出者。不能爲福。而死氣
之雜出者。適足爲禍。正龍有不受其傷者乎。然水之差錯。其力足以相勝。吉多者吉勝凶
。凶多者凶勝吉。入口雖然交戰。而來水源頭。若無凶星變破。則氣猶兩平。雖不致福
。亦未可遽斷爲凶禍。且凶星之應。亦有公位之分。吉凶雙到之局。只看某房受著。便
于此房斷其有禍。不受著者。亦不應也。非如純凶不雜之水。房房受其殃禍之比。故其蹤
尤當仔細認云。


錢氏曰。陰陽生死四字。最宜體會。先宗十二字真訣。至此始露四字。五行。指含元
卦言。非指三吉言。龍中交戰。內氣不清也。水中裝者。外氣又不清也。內氣者。
淪轉入之氣。以實地爲主者也。外氣者。朝水冲激之氣。以水爲主者也。內外皆清。始
爲大地。如內氣未清。須以水之極清純者救之。庶內氣爲水制服。而交戰之兇威可殺矣
。更有一種地。外氣不清。而葬下猶然發福者。以內氣極清故也。總之兩濁不成地矣
。二十四山分兩路者。分陰陽順逆也。如順子一路。逆子一路是也。又陰陽生死爲兩
路。有時子死而午生者。有時午死而子生者也。山山皆有兩局可分。皆隨元運流轉分
之而已。五行當主運。管元星也。認取者。如上元一白星管運。通得二三四爲一家父
母兄弟子孫。是東卦。而立穴定向。則取二黑三碧四綠爲五吉。下元七赤管運。通得
七八九爲一家父母兄弟子孫。是西卦。如四綠管運。借取五黃爲下三吉。其地前有離
。水。後有乾水。立穴壬山丙向。或坎離交媾。立正子午向。水中裝得清。龍中亦不
交戰矣。惟認取六白水。九紫水爲零神水。正神故不受傷。前面凶交破者。如上元局
離水到堂者。轉入坤宮。穴見坤水爲凶。交破。若轉乾到艮。俱在江東卦內。吉多凶

少。倘立子山午向。前面巽坤兩水照穴。公位分看。巽水長房不利。坤水小房受災。倘或環氣穴上不見白光。殃禍可免。認縱由者。即此之謂也。



外濁之局橫猶可。斷不可直來。面前之水。或大洋或小洋大港橫在面前。四等齊大。收不能清。惟取內局清純。若直朝之水當頭間雜別宮。斷不可下。內局雖清。無益也。橫過之水。亦必本宮大。別宮小。乃妙。

此氣即八國城門鎖正氣之義。看地不看水者也。內氣主人丁。外氣主財祿。是即水主財祿。山主人丁之說也。然亦不甚拘論。直朝則外氣重。而內氣輕。若一脈通行水。則又內外兩重矣。



此子午局。為內外皆清者也。

先定來山後定向。聯珠不相放。須知細覓五行蹤。富貴結全龍。

此節單就山上龍神而言。青囊天玉。原以來山所受之氣。與向上所受之氣。分為兩局。然兩局又非截然兩路。故云聯珠不相放。此不可約略求之者也。須當細覓蹤跡。若是富貴悠久之地。必然來山是此卦。而向首亦是此卦。一氣清純。方得謂之全龍耳。

錢氏曰。來山者本卦全龍也。聯珠不相放。如四綠來龍。向即一白也。山向分兩局。始露於此。然未說生生二字。聯珠者。必先審來龍。然後定向。如果來龍是含元之龍。而向首在兄弟卦內。即為聯珠。五行二字最要緊。總要合元。如乾亥龍。立甲卯丁未向。庚酉龍。立巽巳癸丑向。名聯珠三合。吳公曰。子午卯酉。辰戌丑未。八路相見交互。定主刑傷。子午見辰戌損男。卯酉見丑未損女。卯酉見辰戌。為陰陽不交。主公

訟小口災。四生與四仲戰。悉主刑傷。先定來山。如上元甲子一二三來山爲正神。後定向者。一白明堂。定一白向。二黑明堂。定二黑向。三碧明堂。定三碧向。水法俱宜清純不雜。覓五行者。須覓五行元運之生旺。斯爲富貴全龍。

五行若然翻值向。百年子孫旺。陰陽配合亦同論。富貴此中尋。

此節亦上二句言山上龍神。下二句言水裏龍神。五行翻值向者。五行之旺氣值向也。翻卽翻天倒地之翻。言生旺氣。翻從向上生入也。山管人丁。故云百年子孫旺。而富貴亦在其中矣。陰陽配合。水來配合也。亦與向上之氣同論。但用法有殊耳。水管財祿。故云富貴此中尋。而子孫亦在其中矣。

東西父母三般卦。算值千金價。二十四路出高官。緋紫入長安。父母不是未爲好。無官只豪富。

此節發明用卦之理。重卦體而輕爻。重父母而輕子息。蓋同一生旺。而力量懸殊也。言東西。而南北在其中矣。青囊天玉之秘。只有三般卦訣。若二十四路。不出三般之內。則貴顯何疑。然卦內又當問其是卦之父母否。高官緋紫。必是父母之氣。源大流長。所

以貴耳。若非父母。而但乘爻神子息之旺。則得氣淺薄。僅可豪富而已。

父母排來看左右。向首分休咎。雙山雙向水零神。富貴永無貧。若遇正神須敗絕。五行當分別。隔向一神仲子當。千萬細推詳。

亦承上文用卦須當父母而言。父母排來。要排來山之龍脈也。來山屈曲。必不能盡屬父母。兼看左右兩父子息若何。若子息清純不雜。又須向首所受之氣。逢生旺則休。逢衰敗則咎。若雙山雙向。卦氣錯雜。須得水之外氣。悉屬零神。尅入相助。則雙山雙向。爲水神所制伏。而富貴可期矣。萬一水路又屬正神。則生出尅出。兩路皆空。而敗絕不能免矣。公位之說。乃因洛書八卦震兌坎離。而定孟仲季三子之位。隔向一神。猶在離卦之內。故云仲子。天玉略露一班。以爲分房取驗之矩矱。言仲而孟季可以類推矣。

若行公位看順逆。接得方奇特。宮位若來見逆龍。男女失其蹤。

承上文仲子一神。而概言公位之說。順則生旺。逆則死絕。然不云生死而云順逆者。若論山上龍神。則以生氣爲順。死氣爲逆。若論水裏龍神。則又以死氣爲順。生氣爲逆故也。

更看父母下三吉。三般卦第一。

通篇皆明父母三般卦理。反覆詳盡矣。終篇復申言之。若曰千言萬語。只有此一事而已。無復他說矣。蓋致其叮嚀反覆之意云。

錢氏曰。通篇父母。皆指元運而言。然卦之中氣爲父母。三卦得運之中氣爲三吉。諸卦雖有兩路可分。總以父母爲重。故能得三卦之中氣下穴。爲第一妙法也。下三吉者。如上元一二三之龍神。配七八九之零神水。

內傳中

二十四山起八宮。貪巨武輔雄。四邊盡是逃亡穴。下後令人絕。

此節反言以見旨。興起下文之意。言一行所作小遊年卦例。以二十四山起八宮。而取貪巨武輔爲四吉。若其說果是。則宜乎隨手下穴。皆吉地矣。何以四邊盡是逃亡穴。下後反令人敗絕哉。則知卦例不足信。而別有真機。如下文所云也。

惟有挨星爲最貴。泄漏天機秘。天機若然安在內。家活當富貴。天機若然安在外。家活漸退敗。五星配出九星名。天下任橫行。

緊接上文。卦例既不可用。惟有挨星玄空大五行。乃爲陰陽之最貴者。天機秘密。不可流傳于世。但可偶一泄漏而已。安在內。不出三般卦之內也。安在外。出三般卦之外。出卦不出卦。禍福迴分。安得不貴耶。夫挨星五行。非如遊年卦例。但取四吉而已。蓋八卦五行。配出九星。上應斗杓。知九星之作用。便可橫行天下。無不響應矣。卦例云乎哉。干維乾艮巽坤壬。陽順星辰輪。支神坎震離兌癸。陰卦逆行取。分定陰陽歸兩路。順逆推排去。知生知死亦知貧。留取教兒孫。

此節分出玄空大卦干支定位。以足前篇父母子息之義。四維之卦。以天干爲主者也。干維曰陽。四正之卦。以地支爲主者也。地支曰陰。此陰陽非交媾之陰陽也。知卦之所主。則父母子息。不問而自明矣。其陰陽兩路。每一卦中。皆有陰陽兩路可分。非將八卦分爲兩路。何者屬陰。何者屬陽也。其順逆推排。即陰陽兩路分定之法。非乾艮巽坤爲陽順。坎震離兌爲陰逆。若如此分輪。則皆順也。何云逆乎。至于四卦之末。各綴一字。曰壬曰癸。此又挨星秘中之秘。可以心傳。而不可以顯言者也。

錢氏曰。四維。六八四二爲陰卦。本逆龍。反順行。四正。一三九七爲陽卦。本順龍。

• 逆行。且四隅龍屬陰。水必取陽。故曰壬。四正龍屬陽。水必取陰。故曰癸。四隅龍屬陰。穴必立四正陽宮陽水。四正龍屬陽。穴必立四隅陰宮陰水。故上元四陰卦運。必收四陽卦水。下元四陽卦運。必收四陰卦水。地理之道。顛倒陰陽而已。若順其順。逆其逆。陰見陰。陽見陽。龍向水一概順裝。則珠寶之地皆變火坑矣。一順一逆。共成四十有八局之意。所舉卦皆互交也。非一欲順推。一欲逆推之謂。乾坤艮巽。即寅申巳亥前。故用壬字。陽生處也。坎艮離兌。即子午卯酉。故用癸字。陰生處也。挨星。以乾坤艮巽從陽干順推五行。以震坎離兌從陰干逆排九星。乾六坤三艮八巽四本陰卦也。遇四正陽卦當運之時順行。則陰陽交媾矣。坎一震三離九兌七本陽卦也。遇四隅陰卦當運之時逆轉。則陰陽交媾矣。壬甲丙庚陽也。辛癸乙丁陰也。各綴一字曰壬。曰癸。不過重貪之意。貪狼乃祖氣也。壬在乾卦。論乾六壬一也。癸在坎卦。論坎一癸六也。八卦分陰陽。而一卦自有陰陽。四正重支。曰支神。四隅重干。曰干神。維生成而法在其中矣。一白運要午丁水。是陽要陰干。四綠運要丙午水。是陰要陽干也。陽卦重陰。陰干隨之而重。陰卦重陽。陽干配之而亦重。即神火精陽干之

龍。隨陽重兩句之秘。壬為陽順行。江東卦。如上元甲子。立丙山壬向。兼午子三分。或子山午向。兼壬丙三分。乾艮二水為生。發官發貴。丙午庚酉二水為旺。發財丁。丑戌二水為奴。發財。此為合上元財丁秀之大局。江西卦。立子山午向。或午山子向。交五黃時。要收坤巽二水。或坤巽環氣為生官。甲卯壬子水為旺財發丁。辰未水為奴。發財。雖五黃中水為催官。合中下兩元。百年富貴之全局。故曰壬陽順行星辰輪。癸為陰逆行。即子癸午丁。卯乙酉辛。支干相生。為夫婦同宮。江東一卦。上元甲子。如立癸山丁向。兼子午三分。要丙午庚酉水為催官。辛丁二水為旺。發財丁。亥寅二水為奴發財。如江西卦交五黃之後。立癸山丁向。甲卯壬子水為生官。發貴。癸乙水為旺。已申水為奴。主財丁。故曰癸陰卦逆行取。江東一卦。上元局雖要坤壬乙三氣。如得卯氣百步。正長男代父行令。三卦始通。可救上元一統齊運之旺。江西卦。下元局如有離氣百步。得坎離交媾打劫之妙。可救五六七八九百年統運。上元要坤壬乙氣為貪狼。下元要艮丙辛氣為貪狼。是謂分定陰陽歸兩路。上元一白星管運。即將一白入中宮。順推一二三四遇到五黃。便是零神。為五里山。二五合一十。即

是交媾之地。此陽局之一起。如奇門冬至後用陽局。順輪九宮也。假如西卦。下元九紫星管運。即將九紫入中宮。逆推九八七六逢着五黃。即是零神。為五里山。二五合一十。即是交媾之地。此陰局之一起。如奇門夏至後用陰局。逆飛九宮也。故下文云。順逆排來各不同。定穴據入首則的。立局看入首則確。而入首一節龍體。斷斷祇有一卦通氣。一卦鎖定。斷斷不旁出他卦。不滿一卦。此訣秘之。盲人所不識也。

巽二 辛 乾

丁

上元坤巽離兌四陰卦
• 收江西四陽水。

兌四 離三 艮

坤 坎七 艮六

乾九 癸

下元乾震坎艮四陽卦
• 收江東四陰水。

巽 乙 震八

兩路。即一六共宗。二七同道。三八為朋。四九為友。非一順一逆有兩路分定乎。明明指出陰陽兩卦。故云輪。皆順而非逆。

輔弼 貪

文祿 巨

(上) 破 廉 巨

(下) 武 廉 貪

武 文 祿

破 輔 弼

上一局乾起貪向坎順輪。逢破軍為向。下一局坎起貪向乾逆轉。逢破軍為向。破軍係斗柄第一星。柄之所指。氣候隨移。舉此二卦。一六同宗。以為例。

七 三 二

六 二 一

五 一 六

四 九 五

江東卦陽向順輪
• 用離九立向。

江西卦用坎一立
向。陰局逆排。

九 八 四

八 七 三

龍必起頂。山則看起頂一線掛下。龍必交媾。水則看三叉劃清處。以卜對待正氣之鎖

定。

天地父母三般卦。時師未曾話。玄空大卦神仙說。本是此經訣。不識宗枝但亂傳。開口莫胡言。若還不信此經文。但覆古人墳。

曰天地。曰東西。曰父母。曰玄空。曰挨星。異名而同實。若干字義屑屑分疏。則支離矣。此節蓋恐學者得傳之後。以爲太易而輕忽之。故極言贊美。以鄭重其辭。非別有他義也。說到覆古人墳。是徵信實著。予得傳以來。洞徹玄空之理。今故注此經文。駁前人之謬。直捷了當。略無畏縮。皆取信于覆古人墳。蓋驗之已往。券之將來。深信其一毫之無誤。自許心契古人。而可以告無罪于萬世也。

分却東西兩個卦。會者傳天下。學取仙人經一宗。切莫亂談空。五行山下問來由。入首便知蹤。

此亦叮嚀告戒之語。而歸重于入首。蓋入首一節。初年立應。尤不可不慎也。

分定子孫十二位。災禍相連值。千災萬禍少人知。尅者論宗枝。

此節直糾時師誤忍子孫之害。蓋子孫自卦中分出。位位不同。豈如俗師干從支。支從干

•二十四路。止作十二位論。若如此論法。必致墮者災禍相連值矣。既遭災禍。而俗師終不知所以災禍之故。胡猜亂猜。或云干凶。或云支凶。總非真消息也。夫災禍之發。乃龍氣受尅所致。而龍氣之受尅。實不在干支。蓋有爲干支之宗者焉。所謂父母是也。知其宗之受尅。則知干支亦隨之而受尅。所以不免災禍耳。深言十二位分子孫之說之謬如此。

五行位中出一位。仔細秘中記。假若來龍骨不真。從此誤千人。

此節又詳言出卦不出卦之密旨。蓋同一出位。而有卦內卦外之不同。若在卦內。則似出而非出。若在卦外。則真出矣。此中有秘。當密密記之。在卦內則龍骨真。在卦外。則龍骨不真矣。

一個排來千百個。莫把星辰錯。龍要合向向合水。水合三吉位。合祿合馬合官星。本卦生旺尋。合凶合吉合祥瑞。何法能趨避。但看太歲是何神。立地見分明。成敗定斷何公位。三合年中是。

一個排來。變化不一。故有千百個也。龍向水相合。前篇已盡。祿馬官星。在本卦生旺

則應。不然則不應。此見生旺爲重。而祿馬官星在所輕矣。

排星仔細看五行。看自何卦生。來山八卦不知蹤。八卦九星空。順逆排來各不同。天卦在其中。

五行總在何卦中生。不在干支中定。所謂父母子息也。不知八卦蹤跡從向而來。則九星無處排矣。蓋星卦之順逆。各有不同。卽此一卦入用。或當順推。或當逆推。有一定之氣。而無一定之用。所謂天下諸書對不同也。要而言之。則玄空二字之義盡之矣。

錢氏曰。八卦九星。總以五行爲本。五行二字。却在脈上看。要分火土金。若天元宮。子癸卦所生。在地元宮。則丑艮卦所生。在人元宮。則寅申卦所生。

甲庚丙壬俱屬陽。順推五行詳。乙辛丁癸俱屬陰。逆推論五行。陰陽順逆不同途。須向此中求。九星雙起雌雄異。玄關真妙處。

此略舉干神卦氣之例。陽四干則順推八卦。陰四干則逆推八卦。一順一逆。雖不同途。而此中有一定之卦氣。可深求而得者。至其每卦之中。皆有一雌一雄。雙雙起之法。乃陰陽交媾。玄關妙處也。又不止一卦有一卦之用而已。舉八干而支神之法。亦在其中矣。

東西二卦真奇異。須知本向水。本向本水四神奇。代代著緋衣。

此節又重言向水各一卦氣。兼收生旺之妙。向上有兩神。水上有兩神。故曰四神。

錢氏曰。假如上元坎龍。必得貪武同宮。則離水九紫。定有文弼相佐。此四神者。相交相合。而不相侵不相雜也。本向。零正兩神。本水。零正兩神。自有貪武同宮。文弼相佐。

水流出卦有何全。一代作官員。一折一代爲官祿。二折二代福。三折父母共長流。馬上錦衣遊。馬上斬頭水出卦。一代爲官罷。直山直水去無翻。場務小官班。

水不出卦。須折折在父母本宮。若折出本宮。雖折而後代不發矣。馬上斬頭。卽一折父母。便流出卦。如斬頭而去也。本卦水又以曲折爲貴。乃許世代高官。若止直流。雖然本卦。而官職卑矣。

內傳下

乾山乾向水朝乾。乾峯出狀元。卯山卯向卯源水。驟富石崇比。午山午向午來堂。大將值邊疆。坤山坤向水坤流。富貴永無休。

此明玄空大卦。向水兼收之法。舉四山以例其餘。皆卦內之清純者也。乾宮卦內之山。

作乾宮卦內之向。而收乾宮卦內之水。則龍向水三者俱歸生旺矣。非同龍顧祖之說也。或云狀元。或云大將。或云驟富者。亦錯舉以見意。不可拘執。

錢氏曰。乾山者。乾宮坐山。乾向者。巽向也。足向巽首向乾矣。水朝乾者。巽水朝乾也。乾峯者。平洋以水爲峯。後空之謂也。下三局同。山向水不必定在一處。所貴惟卦內耳。如先天乾水從後天乾方去。後天坤水從先天離方去。此上下元兩元地也。因俗師忽忘乾坤卯午。故特舉四卦言之。乾對宮巽。坤對宮艮。午對宮坎。卯對宮兌。

•言四卦。而八卦在其中矣。此四局如得六十四卦分晰收清。自然奇妙。辨得陰陽兩路行。五星要分明。泥鯁浪裏跳龍門。渤海便翻身。

陰陽兩路。上文屢見。此重言以申明之耳。下二句言變化之易。

依得四神爲第一。官職無休息。穴中八卦要知情。穴內卦裝清。

前篇本向本水四神奇。是姑置來龍。而但重向水。此節穴上八卦要知情。又從穴上逆推到來龍。以補四神之不及。穴上是龍。穴內即向也。

要求富貴三般卦。出卦家貧乏。寅申巳亥水來長。五行向中藏。辰戌丑未四金龍。動得永不

窮。若還借庫富後貧。自庫樂長春。

前篇甲庚壬丙一節。是四正之卦。此節又補四隅之卦。觀此。則支水去來凶之言。當活看。不可死看矣。辰戌丑未。雖俗云四庫。其實玄空不重墓庫之說。借庫。卦出也。自庫。不出卦也。是重在出卦不出卦。不重墓庫也。

錢氏曰。庫雖論卦。亦可論局。苟非元辰有情之交媾。借用之局。非借庫乎。

大都星起何方是。五行長生旺。大旆相對起高岡。職位在學堂。捍門官國華表起。山水亦同例。水秀峯奇出大官。四位一般看。

此節言水上星辰。即山上星辰。只要得生旺之氣。在山在水。一同論也。

坎離水火中天過。龍_午 墀移帝_子座。寶_坤 蓋鳳_艮閣四維朝。寶殿_巽 登龍_乾樓。罡_辰 劫_戌 弔

殺_未 休犯著。四墓多銷鑠。金_巳 枝玉_亥 葉四孟裝。金_寅 廟玉_申 印藏。

坎離水火一句。乃一章之所重。其餘星宿。總是得生旺。則加之美名。逢死絕則稱爲惡曜。名非有定。星隨氣變者也。

錢氏曰。坎卦一白貪。離卦九紫弔。要收貪狼龍以包三卦。必得九紫水以冲動坎神。

蓋因龍須順看。水必倒排。方得真坎龍。以見對待爲先天定體。卽江南龍來江北望之意。離宮相合。卽是形相隔而情相親也。一卦既入中宮。八國由之易位。所謂乾坤艮巽躔何位。乙辛丁癸落何宮。

江東坎局陽順輪。
用離九立向爲例。

江西離局陰逆轉。
用坎一立向爲例。



午·龍墀
子·帝座
坤·寶蓋
艮·鳳閣
巽·寶殿
乾·龍樓
辰·垣
戌·劫

丑·弔
未·殺
巳·金枝
亥·玉葉
寅·金廟
申·玉印

帝釋一神定縣府。紫微同八武。倒排父母養龍神。富貴萬餘春。

帝釋·丙也。八武·壬也。紫微·亥也。帝釋神之最尊。故以縣府名之。其實陰陽二宅得此。貴之極矣。然其妙用在乎倒排。非正用也。

錢氏曰：卯爲將星。酉爲華蓋。甲爲鬼劫。庚爲劫煞。乙爲功曹。辛爲直府。丁爲帝勅。

• 癸爲鸞駕。丙爲帝釋。壬爲八武。

識得父母三般卦。便是真神路。北斗七星去打劫。離宮要相合。

上二句。引起下文之義。言識得三卦父母。已是真神路矣。猶須曉得北斗七星打劫之法。則三般卦之精髓方得。而最上一乘之作用也。北斗云何。知離宮之相合。卽知北斗之義矣。

錢氏曰。打劫之訣。已圖在是經首章。如上元一局入中。則貪武同宮。而廉貞值向在離。其與離宮相合者。是十位。卽正神之向中。卽一貪到此打劫。餘倣此。北斗。子也。折納天星。以子午爲天劫。子午相對。故曰打劫。打劫猶言對待。卽對壘之意。離宮相合。亦卽兌與震合。巽與乾合。合五合十爲合。無他道也。更有一星佐尊貴。坤是金神位。甲庚壬丙四龍神。俱屬陽干行。艮巽乾坤水同向。富貴足興隆。辰戌丑未一路行。驟富振家聲。北斗七星隨天左旋以行。四時幹旋造化。實因魁衡杓三星轉移到宮。所在以爲三建。以定四時。而杓星尤司天帝布德施令之柄。故杓星所指之方。爲氣到。如冬至夜子之半。斗魁對甲。斗衡指子。斗杓指辰。離宮卽焚室星也。其

時在亥。觀天文以察地理。則必與之合也。如一白運中。立亥山已向。爲一六共宗。三碧運中值春分。斗杓指未。衡對卯。魁對亥。離宮在寅。立寅山申向。爲三八爲朋。九紫運中。爲四九爲友。七赤運中。值秋分。斗杓指丑。魁對巳。衡對酉。離宮到申。立申山寅向。爲二七同道。此爲北斗七星打劫。與離宮相合之法。即又中宮五十同途。上十年時交小滿芒種。離宮自亥移子。下十年離宮自午移甲坎離交媾。五黃一局。立子山午向。

論支干不論卦。

上元坎局

八 三 二

五 一六 七

十 九 四

統數四十九。其零數即零神之水。除十五之空數。得三十四。即正神之向中。一即龍。六即催官。五水十向也。

子午卯酉四龍岡。作祖人財旺。水長百里佐君王。水短便遭傷。

取子午卯酉。以其父母氣旺也。言四正。則四維可以例推矣。水短遭傷。以見出卦之故。識得陰陽兩路行。富貴達京城。不識陰陽兩路行。萬丈火坑深。

此即顛顛倒之意。皆上文所已言而詠嘆之。

前兼龍神前兼向。聯珠莫相放。後兼龍神後兼向。排定陰陽算。明得零神與正神。指日入青雲。不識零神與正神。代代絕除根。



龍神向首。皆有兼前兼後之法。兼者。父母兼子息。子息兼父母。此即正神零神之義。錢氏曰。龍與向分爲兩局。各求生旺也。前兼者。子癸龍。乾亥向也。後兼者。戌乾龍。壬子向也。乾甲丁聯珠。前兼後也。亥卯未聯珠。後兼前也。吳公曰。父子相生旺財帛。兄弟相生強官祿。父子相尅主刑傷。兄弟相尅換妻媳。乃折水關煞也。

先言龍向兩局。後復歸重零正者。蓋來山八卦不知蹤。八卦九星空也。故特鄭重言之。倒排父母是真龍。子息達天聰。順排父母到子息。代代人財退。

父母子息。皆須倒排。而不用順排。如旺氣在坎癸。倒排則不用坎癸。而得眞旺氣。

順排則真用坎癸。而反得殺氣矣。似是而非。毫釐千里。玄空大卦。千言萬語。惟在于此。

錢氏曰。經云。背後水從生旺起。蓋面朝之水。必迎生旺。此定理也。面朝迎生旺。則背後之水。衰敗可知。然其從入之口。若在生旺位中。後雖遷入別宮。總屬旺運。此一句總謂坐下衰敗之水。要從生旺方來矣。(一)入門生旺。後亦生旺。不過重入口之意。然入門之後。無大無小。一派通行過宮水則可。若左右與後一水特大。又當另看。



(二)凡水口無有不重。但有親疎大小之殊。親者大者為主。疎者遠者平。氣亦可收矣。水口即三义也。以四隅言。則四兼。四正言。則八分。二十四山言。則有二十四。非

辰戌丑未之謂也。論水口。更當論其輕重。
一龍宮中水便行。子息受艱辛。四三二一龍逆去。四子均榮貴。龍行位遠主離鄉。四位發經商。

此節又申言本卦水。須折折相顧。若一折之後。便出本卦。雖然得發。必受艱辛矣。必三四節逆去。皆在本卦。乃諸子齊發也。位遠即出卦。一出卦即主離鄉。若出卦之後。又還歸本卦。反主為商得財而歸。其應驗之不爽如此。

時師不識挨星學。只作天心摸。東邊財穀引歸西。北到南方推。老龍終日臥山中。何嘗不易逢。止是自家眼不的。亂把山岡覓。

東邊財穀。二句託喻。即江南龍來江北望之義。玄空妙訣也。嘆息世人不得真傳。胡行亂走。盲哉言乎。

世人不知天機秘。洩破有何益。汝今傳得地中仙。玄空妙難言。翻天倒地更玄玄。大卦不易傳。更有收山出煞訣。亦兼為汝說。相逢大地能幾人。個個是知心。若還求地不種德。穩口深藏舌。

篇終述敘授之意。深戒曾公安之善寶之也。結語歸重于種德。今之得傳者。不慎擇人。輕泄浪示。恐雖得吉地。不能實受其福矣。而泄天寶者。重違先師之戒。其不干造物之怒。而自取禍咎者。幾希矣。

錢氏曰。求地歸重於種德。乃千古不磨之論。但一味祕而不宣。父不傳子。兄不傳弟。使我國哲學。失其真傳。恐非救貧先生本旨也。其實收山出煞。即零正二字。不知零正。即不知收煞。知心者。即知天心也。余以爲堪輿家。如有救世之心者。雖惡人之父母。亦當爲其擇吉地以葬之。使其子孫變爲善人。國家社會即少去歹人。孔子之弟子顏濁聚即大盜也。何以孔子教之誨之。如有此等普度之精神。抱天下爲公之宏旨。何天機之可秘也。

錢氏地理辨正參解

廣德錢文選士青甫述義

男若洋恭校

卷五

都天寶照經 唐楊益筠松著

清蔣平階大鴻爲之傳。大鴻初名雲階。字馭閱，後更此名字。嘉善縣學生。

上篇

楊公妙應不多言。實實作家傳。人生禍福由天定。賢達能安命。貧賤安墳富貴興。全憑龍穴真。龍在山中不出山。掛在大山間。若是沙曲星辰正。收得陽神定。斷然一藝便興隆。父發子傳榮。

蔣氏曰。此一節。專論深山出版。老龍幹氣。生出嫩支之穴。

錢氏曰。此專論老龍初結。生出嫩支。團結在內。必開陽數十頃。纔非四圍障蔽。掩蔽陽和。却又重重包裹。非出洋龍之單行也。



好龍脫却出平洋。百十里來長。離祖離宗星辰出。此是真龍骨。前途節節出兒孫。文武脈中分。直見大溪方在手。諸山皆不走。個個回頭向穴前。城郭要周完。水口亂石堆水中。此地出豪雄。若得遠來龍脫割。發福無休歇。穴見陽神三摺朝。此地出官僚。不問三男并五子。富貴房房起。津湖溪澗同此看。衣祿榮華斷。大水大河齊到處。千里來龍佳。水口羅星鎖住門。似大將屯軍。落頭定有一星形。非火土即金。正脈落平三五里。見水方能止。二水相交不用砂。只要石如麻。更看破石高山鎖。密密來包裹。此是軍州大地形。細說與君聽。

蔣氏曰。此一節。專言大幹傳變。行龍盡結之穴。謂之脫却龍。又名出洋龍。雖云城郭要周完。總之城郭都在龍身上見。不必于穴上見。蓋龍到脫却出洋。雖衆山擁衛而行。前數節羣支翼張。羽儀簇簇。至于幾經脫卸之后。近身數節。將結穴時。龍之蹤跡愈變。而龍之機勢愈疾。此非左右二砂。所能幾及。往往龍只單行。譬之大將匹馬單刀。所向無前。一時偏裨小校。都追從不及。所以有不用砂之說也。高山不甚重水。獨此等龍穴。以水爲證者。何與。山剛水柔。水隨山之行以爲行。山不隨水之止以爲止。而云直見大溪

方住者。非謂山脈過水而止也。正因山脈行時。水不得不與之俱行。則山脈息時。水不得不與之俱息。故幹龍大盡之地。自然兩水交環。有似乎千里來龍。過水而止也。既云不用砂。而又云密密包裹者。何也。夫結穴之處。雖不取必于兩砂齊抱。要之真龍憩息之際。定不孤行。外纏夾輔。隱隱相從。水口星辰。有時出現。大爲破石。小爲羅星。近在數里。遠之二三十里。皆不可拘。前所謂砂。指本身龍虎而言。後所謂鎖。指外護捍門而言也。只要石如麻。則不止謂水口而已。正言本身結穴之地。蓋幹龍剝換數十節。其渡水崩洪。穿田過畝。不止一處。若非石骨龍行。何以見真龍結體。今人平地墩阜。誤認來龍。指爲大地。正坐此弊也。凡去山數里。即有高阜。或由人工。或出天造。既無真脈相連。又不見石骨稜起。總不謂之龍穴。所以落平之龍。重起星辰。必要石如麻也。有石脈乃爲真龍。有石穴乃爲真穴。山龍五星皆結穴。其云落頭一星。獨取火土金者。大約近祖支龍。宛蜒而下。都結水木。出洋幹結。踴躍而起。都作火土金。雖不可盡拘。而大體有如是者。前章一莖便興。父發子榮。是言山中支結。龍短而局窄。往往易發。此章言發福無休歇。五子房房起。是言出洋大盡。龍長而局寬。往往遲發而久長

•意在言表也。

姜氏曰：前章言山谷初落之穴。此言出洋盡結之穴。山龍之法雖不盡于此。而大略已備于此矣。

錢氏曰：此專言大幹盡結。嫩支出脈。連脈飛脈。左右有砂。曲折環抱拱護。支支到頭。正神星體。頓起一凸。前吐唇。胎息深藏。是爲盡龍棲止。非但憩息也。

天下軍州總住空。何曾撐著後頭龍。只向水神朝處取。莫說後無主。立穴動靜中間求。須看龍到頭。

蔣氏曰：此節以下。皆發明平洋龍格。與山龍無涉矣。楊公唐末人。唐之言軍州。猶今之言郡縣也。蓋以軍州爲證。見城邑鄉村。人家墓宅。凡落平洋。並不論後龍來脈。但取水神朝繞。便爲真龍憩息之鄉。夫地靜物也。水動物也。水之所止。即是地脈所鍾。一動一靜之間。陰陽交媾。雌雄牝牡。化育萬物之源。所謂玄竅相通。卽丹家玄關一竅也。此便是龍之到頭。非舍陰陽交會之所。而別尋龍之到頭也。識得此竅。則知平洋真龍訣法。而楊公寶照之秘旨盡矣。看龍到頭有口訣

錢氏曰：水朝處取。只要看得真的。何也。若午水來朝。是坎氣入穴。而立坐向。不可坐子午向。蓋坎龍配向。在乾坤艮巽。爲四大正向。兼丙向爲貪狼。名爲五吉向。若立丙午丁。爲破軍向。又名八山冲。如人之同姓爲婚。敗倫傷紀。主大凶。餘可類推。至有水一邊。卽有實地一邊。如水自午丁至子癸。則實地自丑艮至巳丙。此卽龍分兩片。此卽陽從左轉。陰從右通。此卽左爲陽。子癸至亥壬。右爲陰。午丁至巳丙。其中一動一靜之間。自可收山出煞。看其到頭。從大河生出叉港。水到窮時。太極明矣。有環抱。有三义。有乙字灣身。中間實地。作金水土星體。有唇有胎。此爲真氣所鍾。別無步漏。吉地無疑。穴後成水蕩。亦是到頭一訣。

楊公妙訣無多說。因見黃公心性拙。全憑掌上起星辰。類聚裝成爲妙訣。大山喚作破軍星。五星所聚脈難分。但看出身一路脈。到頭要分水土金。又從分水脈脊處。便把羅經照出路。節節同行過峽真。前去必定有好處。子字出脈子字尋。莫教差錯丑與壬。若是陽差與陰錯。勸君不必費心尋。

蔣氏曰：自此章以下。皆楊公平洋秘訣。字字血脈。而又字字隱謎。非眞得口口相傳。

天機鈴訣者。未許執語言文句。方寸羅經。而妄談二十四山八卦九星之理也。苟得口傳心受。則雖愚夫穉子。可悟楊公心訣。不得口傳心受。縱智過千夫。讀破萬卷。何能道隻字耶。此書乃楊公當日裝成掌訣。傳與黃居士妙應者。大山喚作破軍星。言水法渙散迷茫之處。五星混雜。出版未見分明。概名之曰破軍。而不入龍格。只取龍神一路出身之脈。其脈又分水土金三星。合貪巨武爲吉。而餘星皆所不取。此三星者。乃形局之星。非卦爻方位之貪巨武也。學者切莫誤認。自分水脈脊以下。乃屬方位理氣矣。故云便把羅經照出路也。蓋看得水神龍脈。既合三吉星格。其地似可取裁。乃將指南辨其方位。以定卦之合不合也。合卦則用之。不合卦仍未可用也。節節同行。卦無偏雜。乃許其爲過脈峽眞。而知前去定有好穴。不然。則行龍先見駁雜。到頭何處剪裁。子字以下。乃直指看龍訣法。而舉坎卦一卦爲例。若出版是子字。須行龍只在子字一宮之內。乃爲卦氣清純。如偏于左而癸與丑雜。是子癸一卦。而丑字又犯一卦也。如偏于右而壬與亥雜。是壬子一卦。而亥字又犯一卦也。此爲卦中之陽差陰錯。非全美之龍。故云不必費心尋也。錢氏曰。水到結穴之處。謂之出版。從立穴之處。看來水之方。謂之來龍。出版是子

。則到頭立穴之處是離。餘可類推。子字出版者。言水龍之出版也。子字要在午卯酉乙辛丁癸之卦。在丑字則屬土。與水星間雜。在寅字則屬金。亦與水星間雜。斯爲不易之定理。明有掌訣。楊公獨刪去不存。恐漏天機也。

大鴻既未得楊公口授。又未爲黃妙應所傳。今云口口相傳。天機鈴訣者。豈非欺人之談。子癸午丁天元宮。卯乙酉辛一路同。若有山水一同到。半穴乾坤艮巽宮。取得輔星成五吉。山中有此是真龍。

蔣氏曰。此承上節羅經照過峽。詳言方位理氣。即天玉玄空大卦之作用也。其法分子午卯酉爲天元宮。寅申巳亥爲人元宮。辰戌丑未爲地元宮。隱然天元之妙理。引而不發。欲使學者得訣方悟。其敢妄泄天祕。犯造物之忌哉。此取四仲之支爲天元宮者。非此四支。皆屬天元。乃謂此四支之中。有天元者存也。而其本文。又不正言子午卯酉。乙辛丁癸。必錯舉子癸午丁卯乙酉辛者。此其立言之法。已備出版審峽。定卦分星之密旨。觀一路同三字。同中微異。須加剖別。已在言外。下文乃全露其機。云此八宮同到。半穴乾坤艮巽宮矣。一同到。非謂此八宮一同到也。亦非謂八宮之山。與八宮之水。一同到

也。謂此四支中。任舉一支。與此四千中一干。比肩同到。即雜乾坤艮巽之氣矣。蓋子午卯酉。本是四正之龍。而與八干同到。即有一半四隅之龍。不可不辨。辨之不清。則欲取天元。而非純乎天元矣。末二句輔星五吉。指天元宮最清者言。蓋天元龍雖包諸卦。而九星止有三吉。恐日久發泄大盡。末胤衰微。故須兼收輔弼宮龍神。合氣入穴。以成五吉。然後一元而兼兩元龍力。悠遠不替矣。故目之曰眞龍。極其贊美之辭也。此節言山者皆指水。蓋平洋以水爲山。水中即有山矣。輔星。即是九星中左輔右弼。蓋有二例。一則九宮卦例。以一白配貪狼。二黑配巨門。三碧配祿存。四綠配文曲。五黃配廉貞。六白配武曲。七赤配破軍。八白配左輔。九紫配右弼。此天玉經玄空大卦之定理也。一則八宮卦例。將輔弼二星并一宮。分配八卦。製爲掌訣。二十四山。系於納甲之下。互起貪狼。爲立向消水之用。陽宅天醫福德。亦同此訣。竊以之彰往察來。皆無明驗。蓋即天玉所辨二十四山起八宮。唐一行所造。後人指爲滅蠶經者也。二說眞僞判然。不可誤認。五吉即三吉。蓋形局九星。以水土金三星爲貪巨武三吉。而輔弼爲入穴收氣之用。方位九星。亦有三吉。雖以貪狼統龍。而每宮自有三吉。不專取巨武。此節天元

宮兼輔爲五吉。中有隱語。非筆墨所敢盡。既云五吉。則分輔弼作兩星以配九宮。其非八宮之訣明矣。若在人地兩元。別有兼法見諸下文。此節以下。所舉干支卦位。俱帶隱謎。若從實推詳。不啻說夢。非楊公言外之眞旨矣。

錢氏曰。子癸乃天元上宮。丑字是地元中宮。亥字是人元下宮。斷不可雜者。天元。即上元也。上元宜專言子癸而兼午丁者。蓋指陰陽交媾而言也。子癸者。貪狼之脈。午丁者。貪狼之水。兩相對待也。言卯乙而兼酉辛。亦此意也。乾坤艮巽。已爲天元四大正向。則有巨武輔弼四吉向矣。所少者貪狼耳。又取輔星成五吉。明言貪狼。

一路同者。即共路兩神爲夫婦也。如坎宮係上宮。天元子字係中氣父母爻。必須癸字子媳爻。同一路者。子一癸六。本屬生成水局。相爲夫婦。一路同。而一同到。便兼得半穴艮宮。地元中宮之氣矣。出脈審峽。山龍水龍。皆爲一例。即謂取得輔星成五吉。舉坎宮。而八宮可以反其三偶。三吉。子癸也。一元。三卦也。末運。指下元也。輔弼。艮離也。何以不收文武。而收輔弼。以中元尙有上元之餘氣。至下元則餘氣已竭。而艮離用事。故復收此兩宮。以幹維之也。乾山水流乙。巽山水流辛

• 艮山水流丁。坤山水流癸。天元宮。酉辛水同到辛旁。即戌有巽氣。午丁水同到丁旁。即未有艮氣。是上元兼中元下元氣也。然無艮水。則龍氣錯雜。上元之氣不清。必更得艮宮有水。則上元之氣清。而艮氣自在。交至下元。不至衰敗。是謂兼輔而成五吉龍。此皆蔣氏所云。非筆墨所敢盡者。挾前人之隱謎。盡露於此。子癸以氣言。午丁以水言。卯乙以氣言。酉辛以水言。立向收山。上有艮水。即為取得輔星成五吉之龍。乙辛丁癸。可做五吉。甲庚壬丙。可做五吉。寅申巳亥。可做五吉。辰戌陽可配子午。丑未陰可配卯酉。但為天罡。不可做五吉。

輔 祿 文

貪

弼

武 破 巨


據挨星條例。上元祇取貪祿巨。此午丁酉辛一路。己藏三吉。却兼取輔(丁)弼(癸)兩神合穴。故云五吉。一同到者。一坎之癸同到也。輔弼雖非當令。而先時補救之法也。



辰戌丑未地元龍。乾坤艮巽夫婦宗。甲庚壬丙為正向。脈取貪狼護正龍。

蔣氏曰。此取四季之支。為地元龍者。亦謂此四支中。有地元龍者存也。此四支原在乾坤艮巽卦內。故曰夫婦宗。此元氣局逼隘。不能兼他元為五吉。止取貪狼一星。真脈入穴。護衛正龍根本。則卦氣未值。其根不搖。卦氣已過。源長流遠。斯為作家妙用。貪狼即在甲庚壬丙之中。故但于此取正向。乘正脈。與天人兩元。廣收五吉者有殊。不言

輔星・輔弼已在其中故也・楊公著書・泛論錯舉之中・其金針玉線一絲不漏・蓋如此・錢氏曰・此就下元中提出艮卦一局而言也・此宮逼在兌離之間・左右皆下元得令之煞・故不能兼他爲五吉・而祇取貪狼星脈入穴・輔佐良氣・作丙向・乘壬脈・然後一元而兼兩元矣・乾山水甲・坎山水丙・離山水壬・震山水癸・丙山水乾・甲山水坤・庚山水艮・壬山水巽・下元兼取貪狼・即上元兼取輔星之法・如未坤水同到未旁・即是丁坎氣・離上而向對甲庚壬丙・則取壬水・而向上癸方無水・下元之離氣自交上元・而坎氣亦可以源遠流長矣・或曰壬要兼收子字立向・取貪狼・即父母之氣・



此節言下元・戌乾丑艮辰巽未坤爲夫婦・貪狼即一白・爲下元兼上元之法・此貪狼

壬水・內氣也・下元已逼近上元・弼輔破得令之星・不得不用・上元將交貪・又不得不

輔 祿 文

貪 弼

武 破 巨

用・故取以護龍之根本・武不取者・以離運已逼近上元・故不兼收巽・而但有四吉・寅申巳亥人元來・乙辛丁癸水來催・更取貪狼成五吉・寅坤申艮御門開・巳丙宜向天門上・亥壬向得巽風吹・

蔣氏曰・此四孟之支・亦屬四隅卦・此四卦中・有人元龍者存也・天元之後・即應接人元・楊公因三才三正之序・顛倒錯列・亦隱秘其天機・使人不易測識耳・此元龍格・亦必兼貪狼・而後先榮後凋・若不兼貪狼・慮其發遲而驟歇矣・用乙辛丁癸水催之者・謂

此四水中有貪狼也。此宮廣大兼容。故旁及坤艮。亦所不礙。故曰御門開。若是已丙壬亥相兼。則犯陰陽差錯之龍矣。法宜去丙就己。去壬就亥。以清乾巽之氣。此則專爲人元辨卦而言。處處欲要歸一路。蓋一路者。當時直達之機。兼取者。先時補救之道。不直達。則取勝無選鋒。不補救。則善後無良策。二者不可偏廢也。總觀三節文義。子午卯酉。配乙辛丁癸。辰戌丑未。配乾坤艮巽。爲夫婦同宗。而寅申巳亥。獨不配甲庚壬丙爲夫婦。則其本意。不以甲庚壬丙。屬寅申巳亥可知矣。此正合天玉大五行作用。而十非二支配十二干爲一路之俗說也。故不曰申寅坤艮。而曰寅坤申艮。非以寅爲坤。以申爲艮也。已屬巽。而反曰天門。亥屬乾。而反曰巽風。顛倒裝成。其託意微而且幻。類如此。至其立言本旨。不過隱然說出陰陽交互之象。然篇中皆錯舉名目。不肯分明。至後節主客東西。方露出端倪。而終不顯言。先賢之慈愼如此。使我有浪泄天機之懼矣。

錢氏曰。此節中元也。就乾巽而言也。此元亦必兼上元之貪。而後先榮後凋。所謂貪狼者。丁水也。下三句不過指明寅申巳亥之貪狼。在坤艮乾巽。而蔣氏多此曲折以疑之。學者不可不知。中元五黃之氣。雖突然從中而發。然上十年猶屬江東卦。必

兼一白氣。則發福速。五黃一運。可以兼收坤艮。八神齊到。亦所不礙。楊公恐世人一交四綠。即扞此穴。交至六白。亦做此局。故下復申之曰。已丙宜向天門上。亥壬向得巽風吹。此二句兼收之法在其中。向法亦在其中。細玩自知。一云乙辛丁癸。要兼子午卯酉。即爲父母之貪狼。所謂兼者。非已丙相兼。壬亥相兼。乃天元中兼收輔弼。人地兩元。兼收貪狼是也。人多誤看。往往亥壬兼收。已丙兼收。福未至而禍先來。夫一路兼取。原非兩途。觀上節注三吉五吉可見。人奈何不之察也。已丙言清六白之氣。亥壬言清四綠之氣。

輔 祿 文

貪

弼

武 破 巨

中元直達星辰。曰武曰文。曰巨曰輔。兼貪者。預爲上元之地。但交五黃中運。貪亦宜遠。以離水爲乾運催煞故也。不可不知。凡兼收祇宜遠朝外局。亦不可不知。已丙宜向天門二句。延陵謂向法亦在其中。可申其說。夫天門者。六白龍也。宜立丙向。收巽水。故曰已丙宜向天門上。此六白陰卦。立九紫陽宮陽向也。巽風者。四綠龍也。宜立壬向。收乾水。故曰亥壬向得巽風吹。此四綠陰卦。立一白陽宮陽向也。然乾巽本卦。須兼取陰陽。其不曰辰巽。而曰已。不曰戌乾。而曰亥者。即延陵所謂兼收之法也。又九紫離龍。立六白陰宮陰向。亦即已丙宜向天門上也。一白坎龍。立四綠陰宮陰向。亦即亥壬向得巽風吹也。其曰丙曰壬者。四隅龍之向法也。其曰已曰亥者。壬丙陽也。已亥陰也。

貪狼原是發來遲。坐向穴中人未知。立宅安墳過兩紀。方生貴子好男兒。

蔣氏曰。貪狼諸卦之統領。得氣先而施力遠。何云發遲。此言入地兩元兼收之脈。不當正卦。傍他涵蓄。故力不專。足以遲也。兩紀。約略之辭。生貴子。正見誕育賢才。以昌世業。隱含悠久之義。非若他宮一卦乘時。催宮暫發之比。若夫應之遲速。是不一端

。烏可執此爲典要也。

錢氏曰。貪狼在一白坎。非入地兩元之所有也。不當正運。卦力愈微矣。發遲宜哉。此貪壬水丙氣。即承入地兩元而言。

立宅安墳要合龍。不須擬對好奇峯。主人有禮客尊重。客在西兮主在東。

蔣氏曰。山龍真結。必對尊星而後出脈。或迴龍顧祖。或枝幹相朝。先有主峯。乃始結穴。故必以朝山爲重。非重朝山。正重本身出脈真偽也。平洋既無來落。但以水城論結穴。水自水。山自山。雖有奇峯。竝非一家骨肉。向之無益。故只從立穴處消詳堂局。收五吉之氣。謂之合龍。而不以朝山爲正案也。未二句乃一篇之大旨。精微玄渺之譚。所謂主客。又不止於論向。而指龍爲主人。向爲賓客也。主客猶云夫婦。實指陰陽之對待。山水之交媾。一剛一柔。一牝一牡。玄竅相通。皆在於此。言有此主。便有此客。有此客。便有此主。主客雖云二物。實一氣連貫。如影隨形。如谷答響。交結根原。一息不離。非謂既有此主。乃更求賢賓以對之也。東西。蓋舉一方而言。亦可云主在西兮客在東。亦可云主在北兮客在南。主在南兮客在北。八卦四隅。無不皆然。所謂陰陽顛倒顛也。

• 自天下軍州至此。統論平洋龍法。其中卦位于支秘訣。總不出此二語。故于結尾發之。
• 以包舉通篇之義。學者所當潛思而曲體之者也。

姜氏曰。寶照發明平洋龍格。開章直喝天下軍州總坐空。何須撐著後頭龍。大聲疾呼。明吟高唱。此爲楊公撰著此書。通篇眼目。振綱挈領之處。不可泛泛讀過。蓋平洋龍格。舉世所以茫然者。因俗師聾瞽。將山龍涵入。無從剖辨。觸處成迷也。平洋之作法既迷。并山龍之真格亦謬。失其一并害其二矣。楊公苦心。喝此二語。醒人千古大夢。使知平洋二宅。不論坐後來脈。凡坐空之處。反有真龍坐實之處。反無真龍。與山龍之胎息孕育。截然相反。欲學者從此一關打得透徹。更不將剝換過峽。高低起伏。馬跡蛛絲。草蛇灰線等字。纏擾胸中。只在陰陽大交會處。悟出真機。而后八卦九星。干支方位。以次而陳。絲絲入扣。平龍消息。始無罣漏之虞。平龍既無罣漏。而山龍亦更無罣漏矣。倘不明此義。只將後龍來脈。膠葛糾纏。則造化真精。何從覓見。雖授之以八卦九星之奧。亦無所施也。窮年皓首。空自茫茫。高山平洋。總歸魔境。我于是益嘆楊公度人心切也。後篇所以覆舉二語。重言以申明之。意深切矣。

此篇前十二句爲一章。言深山支龍之穴。中三十四句爲一章。言幹龍脫殺出洋之穴。此二章皆屬山龍。後四十六句分七節爲一章。言平洋水龍之穴。

中篇

天下軍州總住空。何須撐著後來龍。時人不識玄機訣。只道後頭少撐龍。大凡軍州住空龍。便與平洋墓宅同。州縣人家住空龍。千軍萬馬悉能容。分明見者猶疑慮。龍不空時非活龍。教君看取州縣場。盡是空龍撥擺蹤。莫嫌遠來無後龍。龍若空時氣不空。兩水界龍連生窟。穴得水兮何畏風。但看古來卿相地。平洋一穴勝千峯。

蔣氏曰。天下軍州二語。前篇已經喚醒。楊公之意。猶恐後人不見真。信不篤。故反覆咏嘆。層層洗發。窮追到底。罄其所以然之故。又恐概說軍州大勢。尙疑人家墓宅。或有不然。故指實而言。軍州如是。墓宅亦無不如是。只勸世人攬擇空龍。切勿取實。龍作撐也。所以然者何也。山龍只論脈來。平洋只論氣結。空則水活。而氣來融結。實則障蔽。而生氣阻塞。肉眼但見潏潏平田。毫無遮掩。疑爲坐下風吹散氣之地。不知水神界抱。陽氣冲和。平洋之穴。無水則四面皆風。有水則八風頓息。所謂氣乘風則散。界

水則止。古人之言。正爲平洋而發也。

子午卯酉四山龍。坐對乾坤艮巽宮。莫依八卦陰陽取。陰陽差錯敗無窮。百二十家渺無訣。此訣玄機大祖宗。來龍須要望龍穴。後若空時必有功。帝座帝車竝帝位。帝宮帝殿後當空。萬代侯王皆禁斷。予今隱出在江東。陰陽若能得遇此。蚯蚓逢之便化龍。

蔣氏曰。此明八卦之理。卽前子午卯酉。屬坎離震兌四卦。乾坤艮巽。又四卦之義也。所謂坐對。非指山向。蓋四正卦與四隅卦兩兩相對。故云然也。八卦陰陽者。指八卦五行。以乾卦領震坎艮三男而屬陽。坤卦領巽離兌三女而屬陰。此先天之體。非後天之用。以之論陰陽。則差錯而敗不勝言矣。譚陰陽者。百二十家。皆此是彼非。渺無真訣。惟有玄空大卦。乃陰陽五行大祖宗。聖聖相傳。非人勿示也。識得此訣。雖帝王大地。瞭若指掌。特禁秘而不敢言耳。楊公自言既得至道。不敢炫耀於世。故披褐懷玉。抱道無言。然天寶雖秘惜。而救世之心。未嘗少懈。曾于天玉經。江東一卦諸篇。隱出其旨。世之好陰陽者。有緣會遇。信而行之。頃刻有魚龍變化之徵也。或云楊公得道之後。輅光晦跡。背其鄉井。隱於江東俟考。

錢氏曰。四隅陰卦之水。配四正陽卦之向。卽經四位而起父母。如巽字至午字四位。如坎卦至巽宮。亦四位也。重在陰陽順逆。巽兼巳。必要午兼丁也。天玉江東一卦諸篇。須細揣之。

如巽字至午字四位。巽四午九。是四九爲友也。如坎宮至巽宮四位。坎一巽四。是一四合五也。四九爲友。以成全局。一四合五。則金水一家。以全水局。用從洛書。理取河圖。陽用順推。陰用逆注。故曰陽從左邊圓圓轉。陰從右路轉相通。


子午卯酉四山龍。支兼干出最豪雄。乙辛丁癸單行脈。半吉之時又半凶。坐向乾坤艮巽位。兼輔而成五吉龍。

蔣氏曰。此皆楊公隱謎。舉四正爲例。若行龍在子午卯酉四支。長流不雜。雖兼帶干位。總不出本卦之內。其脈清純。故云最豪雄也。若乙辛丁癸。雖屬單行。未免少偏。卽犯他卦。所以吉凶參半也。言子午卯酉。而乾坤艮巽。不外是矣。言乙辛丁癸。而甲庚壬丙。不外是矣。辨龍既清。乃於諸卦位中。隨便立向。則又以方圓爲規矩。而未嘗執一者也。

錢氏曰。兼輔而成五吉龍。非貪狼而何。若以對待言。坤屬輔。以定位言。艮屬輔。

坤艮二卦。爲卯酉之坐向矣。楊公已明白言之。何必言兼輔。而成五吉之句。蔣氏言楊公隱謎。吾知非楊公之隱謎。實自刪其圖。藏其訣。以疑後學。此四龍必兼乾坤艮巽方吉。若單行爲氣龍。若非寺觀。人家宅墓。切不可下。祖脈。元運之脈。必是支帶干。若是干帶支則不取。

此申言子癸午丁。天元宮也。支兼干出。要合子癸爲吉。壬子爲凶。乙辛丁癸單行脈。則取此一卦氣。而已屬彼卦氣矣。焉得全吉。兼輔成五吉。經數十回揣摩。今靜閱到此。方憬然透悟。請作一圖以質。



此重在午兼丁
丙不到無妨也

若下元艮局側。祇用坤水零神。得坎水界氣。八白愈清。今見午水特朝。是成坎局。午上起貪爲零神。與巽宮正向交界明白。又與坤輔分清。一六既媾合陰陽。艮宮亦不

犯界。此一卦而得二卦之用。四神而成五吉之向。顯言之。乃是午水一同到丁旁。二十四山之丁位。已屬十二支宮之末位半穴矣。法雖坤輔交清。實已兼輔而收得艮氣。故一卦而得二卦之用。上元而埋下元之根。

辰戌丑未四山坡。甲庚壬丙墓墳多。若依此理無差謬。清貴聲名天下無。爲官自有起身路。兒孫白屋出登科。八卦不是真妙訣。時師休把口中歌。敗絕只因用卦安。何見依卦出高官。陰山陽水皆眞吉。下後兒孫禍百端。水若朝來須得水。莫貪遠秀好峯巒。審龍若依圖訣。官職榮華立可觀。

蔣氏曰。此指四隅龍脈而言。而舉辰戌丑未爲隱謎也。謂此等行龍。而取甲庚壬丙向者甚衆。必須龍法純全。向法合吉。毫無差謬。而後清貴之名。卓于天下也。起身路。正指來龍之路。八卦本是眞訣。而誤用則禍福顛倒。故云非妙訣。後章八卦。只有一卦通。乃始微露消息矣。收水之法。向云陽用陰朝。陰用陽應。乃卦理至當不易之言。而竟有陰山陽水。陽山陰水。反見災禍者。則辨之不眞。陽非陽而陰非陰也。得水二字。世人開口混說。然非果識天機祕旨。收入玄竅之中。雖三陽六建。齊會明堂。虎抱龍迴。

涓滴不漏。總未可謂之得。若知得水真訣。卽陰陽八卦之理。示諸斯乎。莫貪遠秀好峯。卽上篇已發之義。致其叮嚀之意云爾。

錢氏曰。取甲庚壬丙向者多。以地元甲水。兼得艮宮半穴。壬水兼得乾宮半穴。

玄機妙訣有因由。向指山峯細細求。起造安墳依此訣。能令發福出公侯。眞向支山尋祖脈。千神下穴永無憂。寅申巳亥騎龍走。乙辛丁癸水交流。若有此山并此水。白屋科名發不休。昔日孫鍾珩此穴。從此聲名表萬秋。

蔣氏曰。通篇皆言平洋。此章乃插入山峯者何也。蓋八卦九星。乃陰陽之大總持。故凡有山之水。可以不論山。而有水之山。不能不論水。若遇山水相兼之地。未可但從山龍而論。還須細細尋求。亦必合此玄空大卦之訣。而后墓宅產公侯也。祖脈必要支山。蓋從四正而論。下穴立向。則不拘干支矣。此祖脈。乃玄空之祖脈。非山龍之來脈也。讀者切勿錯認。寅申巳亥。乙辛丁癸。俱屬易犯差錯之龍。故曰騎龍走。水交流。文有殊。義無別。此山此水。而科名不歇者。不犯差錯故也。孫鍾墓在富陽天子崗。本山龍而收富春江長流之水。故引爲證。

錢氏曰。四正之山曰支山。四隅之山曰干神。此二句龍向分言。卽生成法。寅申巳亥。此四隅山向。乙辛丁癸。此四正龍脈。上句龍向分說。故曰騎龍走。水交流。坐水騎龍之格。卽後空也。楊公葬水法。多從後空取旺氣於前。卽所謂明堂受氣也。

來龍須看坐正穴。後若空時必有功。州縣官衙爲格局。必然清顯立威雄。范蠡蕭何韓信祖。乙辛丁癸足財豐。亥壬聳龍興祖格。已丙旺相一般同。寅申巳亥等五吉。乙辛丁癸四位通。紫緋畫錦何榮顯。三牲五鼎受王封。龍回朝祖玄字水。科名榜眼及神童。後空已見前篇訣。穴要窩鉗脈到宮。試看州衙及臺閣。那個靠著後來龍。砂揖水朝爲上格。羅城擁衛穴居中。依圖取向無差誤。不是王侯卽相公。

蔣氏曰。後空之旨。屢見篇中。而此章又反覆不已者。蓋後空不但無來脈而已。并重坐下有水。乃謂之活龍擺撥。而成眞空有氣也。故首句云。坐正穴。實指穴後有水。取爲正坐也。古賢舊蹟。往往如此。遍地鉗所謂杜甫廬全李白祖。此又引范蠡蕭何韓信。總合此格。下列諸干支。言不論是何卦位。只要合得五吉。收歸坐後。發福如許爾。故下文卽接同龍朝祖。玄字水。分明指出前朝曲水。抱向穴後。乃同龍顧祖之格也。神童黃

甲·必可券矣。篇中又自言後空之訣。已見前篇。然恐人誤認。只取坐後無來脈。便云有氣。不知穴後必須水抱。成窩鉗之形。而後謂之到宮。若但云空耳。非坐水之空。空何貴焉。砂揖水朝。羅城擁衛。皆就水神而論。穴正居中。指坐穴也。此節直說出王侯將相大地局法。非泛論也。

錢氏曰。此申言寅申巳亥人元來節也。坐正穴。言朝南居中。指中元五黃一局而論。孫氏祖坟。是寅甲過脈。得五節同氣。寅甲龍作辛向。乙辛丁癸四水同到。下又引范鑫蕭何祖坟。皆是壬亥來龍。范作乙向。蕭作辛向。韓信祖坟。已丙龍。作癸向。四入之地。俱係四季之龍。本脈山水同到。以舉古人立向收龍消水。皆有實迹。無有差謬。可見今日立圖定向。亦足深信。見楊公濟世之苦心也。

天機妙訣本不同。八卦只有一卦通。乾坤艮巽躔何位。乙辛丁癸落何宮。甲庚壬丙來何地。星辰流轉要相逢。莫把天罡稱妙訣。錯將八卦作先宗。乾坤艮巽出官貴。乙辛丁癸田莊位。甲庚壬丙最爲榮。下後兒孫出神童。未審何山消此水。合得天心造化工。

蔣氏曰。一部寶照經。不下數千言。皆半吞半吐。至此忽然漏泄。蓋陰陽大卦。不過八

卦之理。而篇中乃云八卦不是真妙訣者。正爲不得真傳。不明用卦之法故也。而其所以不明用卦之法者。皆因泛言八卦。而不知八卦之中。止有一卦可用故也。大五行秘訣。不過能用此一卦。即從此一卦流轉九星。便知乾坤艮巽諸卦。落在何宮。二十四干支。落在何宮。而或吉或凶。指掌瞭然矣。俗師不得此訣。妄立五行。有從四墓上起天罡。以爲放水出煞之用。如何合得八卦之理。夫收得山來。乃出得煞去。不知一卦作用。山既無從收。一卦不收。諸卦干支。又何從流轉九星。求純棄駁。而消水出煞乎。今人但知二十四山。處處可出官貴。處處可旺田莊。處處可出神童。而不知二十四位水路交馳。果下何卦。收何山。乃消得此水。出得煞去。夫既不能收山出煞。則其談八卦。論干支。皆胡言妄說而已。何以契合天心。而造化在手也。天心即天運。非善人合天之家。不能遇也。大五行所謂一卦。即指天心正運之一卦也。篇中露此二字。其間玄妙。難以明言。楊公雖指出天心一卦之端。而其下卦起星之訣。究竟未嘗顯言。則天機秘密。須待口傳。不敢筆之于書也。

姜氏曰。篇中八卦干支。縱橫錯舉。原非實義。細玩此節。何位何宮何地等句。即知經

文皆屬活句。非死句也。我師于前篇註中。切戒學者。毋得執定方位。意在此爾。凡讀楊公書者。當知此意。非獨寶照而已。天玉青囊。無不皆然。

錢氏曰。天玉寶照二經。皆發明三卦之理。三卦乃地理之大源頭。不明三卦九星。固不能流轉。而八卦亦無可用。今玩八卦。只有一卦通之白文。可見有一卦必有三卦。三三共九卦。正合洛書九數。以一二三爲一卦。四五六爲一卦。七八九爲一卦。此三卦之大綱領。可爲公。亦可爲父母。然細分條目。而一白坎爲貪狼。乃上元之統龍。二黑坤。三碧震。爲上元之輔龍。雖管上元六十年。而實包含中下兩元一百二十年。故地元節云。脈取貪狼護正龍。人元節云。更取貪狼成五吉。以見貪狼力量最大。超出入地兩元。而學地理者。若止取天元統龍。不知入地兩元之作用。亦不可。何也。蓋入元以四綠文曲爲主。廉貞五位居中。六白武曲居乾。地元以七赤爲統龍。八白九紫爲輔龍。此三卦專管下元六十年。此三卦之定理。若在上元之世。用八卦中之坎卦一卦爲主。坤震二卦爲輔。九星均可流轉。若在中元。專用巽卦爲主。中宮乾卦爲輔。下元專用兌卦爲主。艮離爲輔。地理之道。已得明矣。若不能用此一卦。雖讀破萬卷。

終不入門。

乾山乙水。巽山辛水。艮山丁水。坤山癸水。兌山甲水。坎山丙水。離山壬水。震山癸水。甲山坤水。庚山艮水。壬山巽水。

不符天運者。未可謂之天心。經云。要向天心尋十道。又云天心既辨穴何難。貪武同到。天心既合。即將此卦入中。而流轉九星。故云造化工也。然一卦入中。而每山皆有兩局。一順輪。一逆注。此運用之神機也。



假如天元坎一卦入中。是即天心正運之一卦也。一卦既已入中。八國因之易位。所躔


之位。所落之宮。或陰或陽。或順或逆。或左或右。指掌瞭然。此定卦法。即立極法。即玄空大卦也。只有一卦入中。豈容間雜旁卦。以犯差錯。其卦外之氣。能得四畔融合。愈成美局。外卦者。如水城坎入中。而坤震巽水。或開宕或池沼照入。皆為外氣。雖是卦外。不出一家骨肉。故相通相助。山城離入中。而艮兌乾峯嵐擁拱。亦不出一家骨肉。是定卦立極。收正氣入穴也。而鎖正氣之城門可悟矣。如入國城門在隅卦。乾巽陰以相陽也。

五星一訣非真術。城門一訣最為良。識得五星城門訣。立宅安墳定吉昌。堪笑庸愚多慕此。妄將卦例定陰陽。不向龍身觀出脈。又從砂水斷災祥。筠松寶照真秘訣。父子雖親不肯說。若人付遇是前緣。天下橫行陸地仙。

蔣氏曰。前章既言一卦下穴。收山出煞之義。此章又直指城門一訣。楊公此論。真可謂披肝露膽矣。蓋五星之用。其要訣俱在城門。識得城門。而后五善有用。于此作二宅。無不興隆者矣。城門一訣。與龍身出脈。正是一家骨肉。精神貫通。能識城門。乃能觀出脈。能觀出脈。便能識城門。故笑世人不識此秘。而妄談卦例。從沙水上亂說災祥也。

此以下皆楊公鑱精抉髓之言。得此便是陸地神仙。父子不傳。夫亦師傳之禁戒如是。豈敢違哉。

錢氏曰。指出城門。而天心見矣。而一卦通矣。而可以下卦。而可以起星。且陰用陽朝。陰用陽應。合五合十。乾坤艮巽。是四隅。子午卯酉。是四正。一卦雙起。每山兩局。皆從城門一訣。以通氣口也。亦作一訣。附後。



城門水口。乃鎖住正神之氣。故從此以觀正脈。

世人只愛週迴好。不知水亂山顛倒。時師但云講八卦。却把陰陽分兩下。陰山只用陽水朝。陰水只用陽山收。俗夫不識天機妙。自把山龍錯顛倒。胡行亂作害世人。福未到時禍先到。

蔣氏曰。道德不云乎。常無。欲以觀其妙。常有。欲以觀其竅。此正丹家所謂玄關一竅

·大道無多·只爭那些子·故曰不離這個·人身有此一竅·天地亦有此一竅·地理家須識此陰陽之竅·今人只愛週迴好·而不知那些子·些子合得天機·週迴不好亦好·些子不令天機·週迴雖好皆無用矣·陰山陽山·陰水陽水·皆現成名色·處處是死的·惟有那些子是活的·些子一變·陰不是陰·陽不是陽·陰可作陽·陽可作陰·故曰識得五行顛倒顛·便是大羅仙·世人不諳天機·誤將山龍來脈·牽合平洋理氣·執定板格陰陽·反成差錯·乃真顛倒也·本欲造福·反以買禍·楊公所爲惻然于中·而有是書也·

陽若無陰定不成·陰若無陽定不生·陽水陰山相配合·兒孫天府早登名

蔣氏曰·此節并下節·尤爲全經傾囊倒篋之言·而泛泛讀過·則不覺其妙·蓋舉平洋龍法穴法·收山出煞·八卦千支之理·一以貫之矣·孤陽不生·獨陰不育·此雖通論而大五行秘訣·只此便了·學者須在山水配合上着眼·所謂配合·自然配合·非尋一箇陽以配陰·尋一箇陰以配陽也·水即是陽·山即是陰·陰即是山·陽即是水·故凡云陽水陰山·而不更言陰水陽山·知此者·可與讀寶照經矣·知此者·亦不必更觀寶照經矣·都天大卦總陰陽·翫水觀山有主張·能知山情與水意·配合方可論陰陽·

蔣氏曰·急接上文都天大卦·豈有他哉·總不過陰陽而已·真陰真陽·只在山水上看·而翫山觀水·須胸中別自有主張·此主張非泛泛主張·乃乾坤真消息·所謂天心是也·山情水意四字·全經之竅妙·今人孰不曰山水有情意·而不知世人所謂情意·非真情意也·識此情意·則是陰陽·便成配合·青囊萬卷·盡在個中·於戲至矣·

都天寶照無人得·逢山踏路尋龍脈·前頭走到五里山·遇著賓主相交接·欲求富貴頃時來·記取筠松真妙訣·

蔣氏曰·上文說到山情水意·都天大卦之理盡矣·此節又贊嘆而言·此都天寶照不輕傳世·若有人能得以觀山翫水·一到山情水意·賓主相交之處·用楊公訣法扞之·頃刻之間·造化在手·蓋一片熱腸·深望人之信從·而發此嘆也·

錢氏曰·五里山三字·由破軍至武曲·始可立穴定向·非泛然作五里解·五里·即五黃也·一得五而成六·二得五而成七之秘也·交接者·爲一六共宗·二七同道·三八爲朋·四九爲友·等生成配合是也·如此看法·何等直截·如上元一白局·將一白入中·順飛九宮·五黃到離·離即五里山·爲零神·順逆排來·陰陽得配·是謂遇着賓主相交接

• 此五里山。乃陰陽交媾之五里山。山有山之五里。水有水之五里。此賓主。非山爲主。而水爲賓。山有山之賓主。水有水之賓主。上客在東。主在西。亦然。

天有三奇地六儀。天有九星地九宮。十二地支天干十。干屬陽兮支屬陰。時師專論這般訣。誤盡閭浮世上人。陰陽動靜如明得。配合生生妙處尋。

蔣氏曰。前篇贊嘆已足。終篇又引奇門以比論者。蓋奇門主地。從雜書來。與地理大卦同出一原。而時師用錯。所以不驗。惟有大五行是奇門真訣。欲知此訣。只在陰陽一動一靜之間。求其配合生生之妙。則在在有一陰陽。非干是陽而支是陰。如此板格而已。蓋動靜即是山情水意。即是城門一訣。即是收山出煞用一卦法。所謂龍到頭者此也。所謂龍身出脈者此也。所謂龍空氣不空者此也。是名真賓主。是名真夫婦。是名真雌雄。終篇又提出此二字。與上篇第三章動靜中間求一語。首尾相應。楊公之旨。抑亦微之顯矣夫。

姜氏曰。中篇一十三節。共一百四十六句。皆申明上篇第三章以下未盡之義。以終平洋龍穴之變。

下篇

蔣氏曰。上中二篇。歷敘山龍平洋正變之旨。自始至終。有本有末。文雖斷續。而義則相蒙。下篇所言。不過前篇餘義。而錯雜言之。無有條貫。每章各論一事。文無承接。義無照應。淺者極淺。深者極深。學者分別觀之可也。

尋得真龍龍虎飛。水城屈曲抱身歸。前朝旗鼓馬相應。下後離鄉著紫衣。


蔣氏曰。此節專指山龍而言。真龍之穴。龍虎分飛。非其病也。真龍行急。龍虎之相隨亦急。急則兩砂之末。乘勢逆回。有似分飛。昔人指爲曜氣。正真龍靈氣發露之象也。然情既向外。則人事亦應之。主子孫他方發達。謂之離鄉砂也。

乙字水纏在穴前。下砂收鎖穴天然。當中九曲來朝穴。悠揚潯蓄斗量錢。兩畔朝歸穴後歇。定然龍在水中蟠。若有聲爲數錢水。催官上馬御階前。

蔣氏曰。自此以下八節。皆平洋水局。形體吉凶之辨。此節言曲水纏身之格。歇在穴後。正前篇所謂後龍空。坐正穴也。數錢水。假借爲義。俗而巧。

錢氏曰。坐空朝滿之局。經中屢及。此局實美。數錢必一五一十。是即走到五里山。

遇着賓主也。



安墳最要看中陽。寬抱明堂水聚囊。出夾結成玄字樣。朝來鸞鳳舞呈祥。外陽起眼人皆見。乙字彎身玉帶長。更有內陽坐穴法。神機出處覓仙方。

蔣氏曰。此言堂氣形局之美。至于內陽坐穴法。正前篇所謂來龍正坐。及城門一卦之訣也。非神機仙術。烏足以語此。

水直朝來最不祥。一條直是一條鎗。兩條名爲插脅水。三條云是三刑傷。四水射來爲四殺。八水名爲八殺殃。直來反去拖刀殺。徒流客死少年亡。時師只說下砂逆。禍來極速怎堪

當。塋圳路街加此樣。亟宜遷改免災殃。

蔣氏曰。此節極言直來凶格。蓋水神最忌木火。以其有殺氣。無元氣也。縱屬來朝。亦有損無益。况諸路交馳。漏風冲泄乎。旺元猶可。衰運無噍類矣。

前水來朝又擺頭。淫邪凶惡不知羞。乾流自是名繩索。自縊因公敗可憂。

蔣氏曰。此曲水凶格。水神雖以曲爲吉。然曲處須節節整齊。乃合星格。若擺頭斜去。及如繩索樣。或大或小。或疎或密。或正或欹。皆似吉而凶。縱然發福。必有破敗。

錢氏曰。似曲非曲。似直非直。謂之擺頭。

左邊水反長房死。右邊水射小兒亡。水直若然當面射。中子離鄉死道傍。東西南北水射腰。房房橫死絕根苗。貪淫男女風聲惡。曲背馳腰家寂寥。

左邊水反長房死。離鄉忤逆皆因此。右邊水反小兒傷。風吹婦女隨人走。當面水反中切當。斷定二房有損傷。左右中反房房絕。切忌墳塋遭此劫。

蔣氏曰。以上數節。雖義淺而辭鄙。然其應甚速。以其切于用也。故存之。惟公位之分。不可盡拘耳。

一水裏頭名斷城。下之雖發未爲榮。兒孫久後房房絕。水到砂收反主興。

蔣氏曰：平洋穴取近水。三方皆可逼窄。唯穴前明堂。須寬容不迫。展舒穴氣。若一水裏頭。穴無餘氣。雖環抱亦不發。若面前另一枝水到。則又以接水呈秀。其逼窄之氣。有所發泄。反不爲凶爾。

錢氏曰：山必開面乃有情。水必開蕩乃有意。若乾流狹港。毫無生動。一帶裏頭。是名斷城。

茶槽之水實堪憂。莫作蔭龍一例求。穴前太偏割唇脚。不見榮兮反見愁。

蔣氏曰：穴前池塘。水聚天心。名蔭龍水。本爲吉局。若硬直深坑。形似茶槽。既非佳格。或明堂寬曠。猶未見凶。更加急葬。穴氣太偏。則有凶無吉矣。同一穴前池水。形局較硬。立穴緩急。其應不同。不可不深辨也。

玄武擺頭有多般。未可慳然執一端。或斜或側或正出。須憑直節對堂安。擺頭直出是分龍。須取何家龍脈蹤。大山則脈分三訣。未許專將一路窮。

蔣氏曰：玄武水來。本合後空活龍之格。宜爲正坐之穴矣。然亦須詳其來法。以辨純雜。

• 定吉凶。未可執一也。蓋水有偏出正出不同。惟直節對堂安。乃是真玄武水。若擺頭曲來。而又直出前去。一曲一直之間。龍脈不一。是謂分龍。不必分兩道而後謂之分龍也。須察其曲來是何脈。直去是何脈。細細推詳。而后可定其何家蹤跡。以便下卦。若是水大。則不止一宮之氣。正坐是一脈。偏左又是一脈。偏右又是一脈。故云分三訣也。

• 論坐後之脈。精詳曲當。搜剔無遺。乃至于此。可謂明察秋毫者耶。家家墳宅後高懸。太陽不照太陰偏。必主其家多寂寞。男孤女寡實堪憐。

蔣氏曰：此節後空之義。因世人都喜後高。故復叮嚀如此。人但知後高爲有坐托。不知與掩蔽陽光。而偏照陰氣。生機斬絕人口伶仃。故有孤寡之應也。可不戒與。予觀人家穴後。有挑築兩三重照山。以補後托。未有不損人丁。甚至敗絕無後者。利害攸關。特爲指出。此節單言平洋格法。若是山龍之穴。又以後高爲太陽正照而吉。後空爲太陽失陷而凶。讀者莫錯會也。

姜氏曰：以上九節。首節言山龍。後八節言平洋。皆形局也。

貪武輔弼巨門龍。方可登山細認蹤。水去山朝皆有地。不離五吉在其中。

蔣氏曰：此節及下文九星。皆指形局而言。蓋見其星體合吉。方登山而定其方位。若形局方位皆吉。即水去亦吉。今人動云第一莫下去水地。謬矣。

破祿廉文凶惡龍。世人墳宅莫相逢。若然誤作陰陽宅。縱有奇峯到底凶。

蔣氏曰：此二節專言平洋九星水法。

本山來龍立本向。返吟伏吟禍離當。自縊離鄉蛇虎害。作賊充軍上法場。明得三星五吉向。轉禍爲祥大吉昌。

蔣氏曰：本山本向。非子龍子向。丑龍丑向。倒騎龍之謂也。蓋指八卦納甲而言。山龍有納甲本卦向法。皆淨陰淨陽。其在平洋向法。反不拘淨陰淨陽。而以本卦納甲干支。位位作返吟伏吟。凶不可當。三星與五吉不同。三星言龍體。五吉言卦氣。消詳龍體卦氣之中。即有天然向法。可不犯本宮。而災變爲祥矣。

錢氏曰：本山來龍立本向。假如子龍立不得。卯乙午丁酉辛向。即爲破軍向。八山冲射。故返吟伏吟一句。承明本山本向之禍。而蔣公納甲之害。不肯註明。恐泄天機故也。三星。即三吉。知三吉。即不犯本山矣。五吉。乃三吉之陰陽干支生成兼前兼後之兩

路也。知五吉。即不犯本向矣。如不知生成奇耦之秘。即受本山本向之禍。坤卦一

例。三星。則亥卯未甲乙爲五吉。反是爲煞。

龍真穴正誤立向。陰陽差錯悔吝生。幾爲奔走赴朝廷。纔到朝廷帝怒形。緣師不曉龍何向。墳頭下了剥官星。

蔣氏曰此言龍穴雖真。而誤立本宮之向。陰陽不和。至于剥官也。蓋地理雖以龍穴爲重。發與不發。專由龍穴。而立向坐官。又穴中迎神引氣之主宰。此處不清潔。如玉之瑕。不成美器矣。致廣大而盡精微。又何可不詳審也耶。此所謂向。非以山向五行起長生爲消納也。亦非小玄空生出剋入。生入剋入之說。學者慎之。

姜氏曰：以上四節。皆言平洋理氣之用。

尋龍過氣尋三節。父母宗枝要分別。孟山須要孟山連。仲山須要仲山接。干奇支耦細推詳。節節照定何脈良。若是陽差與陰錯。縱吉星辰發不長。一節吉龍一代發。如逢雜亂便參商。

蔣氏曰：此等卦理。中上二篇論之已詳。反覆叮嚀。致其深切之意。又指明發福世代久

暫之應。全在龍脈節數長短。故父母宗支。要分別也。

先識龍脈認祖宗。蜂腰鶴膝是真蹤。要知吉地行龍止。兩水相交夾一龍。夫婦同行脈路明。須認劉郎別處尋。平洋大水收小水。不用砂關發福久。水口石似人物形。定出擎天調鼎臣。

蔣氏曰。此節兼論山龍平洋。言山龍真脈。則取蜂腰鶴膝爲過峽。而平洋則不然。只取兩水相交。爲來龍行脈。不在過峽上看脈也。但須脈上推求。識干支純雜。夫婦配合之理。如此宮不合。又當別求一宮。不可牽強誤下。故云劉郎別處尋。且山龍取砂爲關。而平洋不用砂關。只要大水行龍。收入小水結穴。有此小水。引動龍神。千流萬派。其精液皆注歸小水。以蔭穴氣。此平洋下穴秘旨。一語道破。水混純之覈鑿矣。觀此則知所謂兩水相交。非謂左右兩水會穴前。而龍從中出。謂之行龍也。正謂大水與小水相交之處。乃真龍之行。真穴之止也。既有此小水。收盡源頭。又何用砂。水之爲我用與否。豈砂之攔阻。能強之者耶。人且不可強。而況于水。若水口捍門。此山龍大地。雄峙一方之勢。蓋將山比擬。楊公秘慎之旨。互文隱意。雖若並陳。大旨偏重平洋。而以山龍相映。

發。以辨其不同途爾。貴學者言外會心。若不知剖析。而視爲一合之說。將雜亂而無緒矣。

錢氏曰。峽上是龍脈束氣。于此看得準看得徹。是氣口也。而種種規矩。皆從此推求得之。纔識得城門。而入局運用矣。故當細心着眼。山龍水龍。法異而訣同。不可不加察也。

龍若直來不帶關。支兼干出是福山。立得吉向無差誤。催祿催官指日間。

蔣氏曰。此亦上下二篇所已詳。蓋以四正爲例。而其餘自在言外。非位位取地支也。乾坤艮巽脈過門。節節同行不混淆。向對甲庚壬丙水。兒孫列土更分茅。仲山過脈不帶關。三節山水同到前。斷定三代出官貴。古人準驗無虛言。

蔣氏曰。此則單言四隅龍格。反取干神。並不言及辰戌丑未。則其非專重地支可知矣。脈是內氣。而向對之水是外氣。兩不相妨也。楊公辨龍審卦之妙。口口說重地支。而本旨實非重地支。世人被他瞞過多矣。豈知一隻眠逗漏于此節。學者其毋忽哉。

發龍多向支神取。若是干神又不同。支若載干爲夫婦。干若帶支是鬼龍。子癸爲吉壬子凶。

• 三字真假在其中。乾坤艮巽天然穴。水來當面是真龍。要識真龍結真穴。只在龍脈兩三節。三節不亂是真龍。有穴定然奇妙絕。千金難買此玄文。福緣遇者毋輕泄。依圖立向不差分。榮華富貴無休歇。時師不明勉強扞。雖發不久即敗絕。

蔣氏曰。發龍多取支神。此乃用支之卦也。干神不日無取。而乃曰若是干神又不同。明有用干之時。而特與用支者不同爾。干帶支爲鬼龍。只就子癸壬子一宮爲例。其真假。三字之中。迥然差別。何以乾坤艮巽。獨名天然穴。蓋直以乾坤艮巽爲龍。不更轉尋名相。故曰天然。若他龍。則干支卦位。非一名矣。水來當面是真龍。此語石破天驚。鬼當夜哭。蓋乾坤艮巽之穴。又與取支惡干者不同。觀此。則寶照之訣。實非單重支神。洞然明白矣。至於格龍之法。止要兩三節不差錯。則卦氣已全。不必更多求于四五節之外。恐人拘泥太過。遇著好龍。當面錯過。所以發此。非楊公遷就之說也。但此兩三節。定要清純。若到頭節數。略有勉強。不能無誤。又戒作者須其難其慎也。

錢氏曰。支兼干。爲不帶關。干兼支爲鬼龍。楊公已經說明。下文子癸吉。壬子凶。可見。而蔣公反謂楊公瞞世人。我恐蔣公疑人多矣。第一節言直來不帶關。不言子

午卯酉。第三節言仲山不帶關。不言辰戌丑未。

支神收得清純是真龍。子兼癸爲眞夫婦。兼壬成假夫婦。癸兼子已是劫龍。而壬兼子。又是鬼龍。犯差錯不清純之病。

一個星辰一節龍。龍來長短定枯榮。孟仲季山無雜亂。數產人龍上九重。節數多時富貴久。一代風光一節龍。

蔣氏曰。此亦論平洋龍神節數。以定世代近遠之應。總在行度之純雜上斷也。

姜氏曰。以上六節。皆言平洋大五行之法。蓋中上二篇所已明。而反覆互見者也。

錢氏曰。平洋龍與山龍不同。故須後空。山龍則須後實。如學者不明此理。山龍與平洋一律後空。豈不誤盡天下蒼生也。

附錄

論堪輿有關人類之盛衰

自來國運之興盛恃乎人。聖賢英俊之挺生由乎地。地理之運會本乎天。天氣盈虛消長之機見乎易。堪輿之理。出於易經。神而化之。小可爲蕃昌門族之基。大焉以鍾毓邦國之秀。有賢者起實施精神邁進之工作。以企振興民族。挽回國運。競於無形。爭於無聲。誠能以不戰而雄飛大地。威振殊俗也。傳巖列星。申甫嶽降。天地洪爐。肇造衆生。青烏之學。由來尙矣。粵自伏羲畫卦作易。經文王周公孔子相繼演義。易之理乃闡發靡遺。外如黃石得之以傳子房。子房傳之景純。景純傳之楊廖卜曾。而賴布衣。朱晦翁。邵康節。吳景鸞。董德彰。劉青田。均遞相授受。堪輿之理。實爲吾國數千年來之深邃哲學。而晚近門戶分歧。精義漸失。三元三合之互攻。巒頭理氣之交訟。以天經地義之學。竟目爲怪奇迷信之言。神州陸沈。深爲浩歎也。竊夫有天地然後有萬物。人爲萬物之靈。聖賢豪傑。元后先覺。爲人之最靈。自古帝王崛起。以及國士畸人之絕類離羣。與夫墨客騷人之不遇時。



巨而治亂興衰。細則窮通壽夭。其原因皆肇於地。程子曰。卜其宅兆。卜其地之美惡也。地之美者。則其先靈安。子孫盛。若培壅其根。而枝葉自茂。是以銅山西崩。靈鐘東應。理固然也。今人苟無心地之培養。與夫陰地之生發。而欲子孫興盛。憂憂乎其難。試以古昔名人生地祖墓觀之。尤可恍然也。徧觀泰安伏隨州神軒轅帝商邱少偃師饒永濟舜石紐禹姑熟湯岐山周秦州秦豐沛漢涿郡昭譙郡魏丹徒吳華陽隋成紀唐臨安吳涿州宋泗濠明興京清而弔歷代王皇后君之故墟。慨然想見神聖之威武。有以地理定之也。周歷陽城陳大梁魏宿遷項正定南鄱陽長福州閩穎川張陽武陳豐沛漢六國淮南金鄉梁淮陰韓彭城楚楚漢王侯之所由生也。箕山父穎水許亳殷已瑯琊王孤竹夷吉安文志潔行芳之所由鍾也。台州方樂城林穎川劉泰州張沔陽陳連城天元明革命之所由兆也。元城王鄆鳩卓冤句黃營州安延安張米脂李亂臣賊子揭竿問鼎之所由萌也。總觀人類之不齊。細辨生地之各異。不禁有感於山川限人之憾。益證堪輿爲人類成敗分合之精魂。文德武功之樞紐。參天地。贊化育。聖賢授受之心法。生存凌駕。弭爭雄長。道在是矣。果能此道。雖愚必明。雖柔必強。旋乾轉坤。可操左券。堪輿之學。豈可忽乎哉。

論大上海之將來及東南山水之形勢 壬午

晴窗無事。正閉戶誦經。有客來曰。近聞日本擬開闢新河一道。河成。輪船即可由吳淞直達南翔。將來黃浦江勢必衰落。恐不及以前之繁盛。沿黃浦江各巨大建築物及商務。亦必受其影響。余聞其言。遂舍經不讀。專心研究關於上海之來龍。及河流之趨勢。俾可明瞭上海何以爲東方第一大港。何以發達至今。刻下人口已增至五百萬。正方興未艾。究能持久否。特分敘於后。

(一)山脈之來源。中國地脈有三。大條幹龍皆宗崑崙。曰北幹。中幹。南幹。北龍左旋。中龍正出。南龍右旋。三幹之中。南龍最長。自崑崙而至峨嵋。乃南龍之起。自峨嵋而至上海。乃南龍之止。其間行度。難以週歷。如從水源。以求其旨。不難知也。但凡龍之起。必水之分。龍之止。必水之合。此一定之理也。夫幹龍行度。大都分省分州分邑之疆域。自古明哲。定省定州定邑。惟視砂水之趨向而已。知砂水之趨向。則知民情之斂伏。水依砂走。人鍾地靈。此亦天地生成自然之理也。故知長江之源。爲南龍之起。東海之聚。乃南龍之止。是故跨常德之源爲雲貴。跨湘江之源爲兩廣。跨鄱陽之源爲閩浙。北流之

10

水。悉皆入江。南流之水。悉皆入海。長江與浙江之水。皆交合於上海之東海。故知上海爲南龍之止。以此推蹤。龍難遁蹟。至於浙江之源。曰常山。曰婺源。休之魚亭。黟之西武嶺。歙之湯口嶺。箬嶺。績之叢山關。馬嶺。是故跨常山婺源之源。曰廣信。跨魚亭西武嶺之源。曰祁門。跨湯口嶺箬嶺之源。曰太平。跨叢山關馬嶺之源。曰甯國。是以南龍行度。至江右之玉山。復起徽之黃山。黃山北出九華。南連玉山。綿亘七百餘里。橫開大帳。中峙三十六峯。峯體純石。勢皆排雲插漢。烈燄騰騰。正而奇。奇而怪。備具諸般美態。爲江浙來龍之祖。至正幹自黃山雲門峯落脈。勢如萬馬奔騰。自天而降。至湯口嶺跌斷平地。兌龍過峽。復起高巖。曰充頭源。曰林鳳源。林鳳源之巔。當龍之脊。有池曰文昌湖。環周五十畝。中峙一峯。邊起稜沿。內蓄清泉。與溪澗不通。深可棹舟。形家所謂龍頂天池是也。前去走箬嶺。繞叢山關。過馬嶺。逆轉一枝。至問政山。結徽州府基。馬嶺正出。左帶甯國。右襟昌化。行至於潛。頓起天目山。勢亦凌雲。開帳穿心。中分三股。左股至東壩五里亭過峽。而起茅山。逆轉結金陵都會。高淳縣城。茅山左落溧水句容。右落溧陽金壇丹陽。正出渡猪婆灘。而結丹徒縣城。走老鴉山。渡包港。而起七峯山。渡

孟河。而結武進縣城。餘枝沿江與君山對峙。爲毗陵之水口。肩落一股。起銅官山。渡水而結宜興縣城。走陳灣山。串惠山。渡水而結無錫縣城。潛出顧山。逆轉結江陰縣城。止於君山。顧山正出起虞山。而結常熟縣城。向南一枝。結崑山縣城。東出太倉縣城。嘉定縣城。止於寶山。與高橋鎮對環。爲蘇州之水口。此皆左抱之龍也。右股自天目山肩落。爲吳興等縣。正出歷餘杭富陽。而結杭州省城。北走嘉興。東出海鹽。串平湖。遶金山奉賢南匯川沙等縣城。至高橋鎮。止於黃浦江海口。與寶山對環。此皆右轉之虎也。正幹自天目山中出。至啄木嶺開帳。竄入太湖。左有陽湖之馬蹟山。右有長興之卞山。排列湖濱。爲天乙太乙。正脈起大雷山。穿湖而起棒山。穿湖再起西洞庭山。縹緲峯。高出漢霄。卓立湖心。開帳穿湖而起蒲山。穿湖而起衝山。開帳渡湖。兌龍過峽。而起西蹟山。銅井山。開帳穿田。而起彈山。鷄籠山。開帳跌斷。而起玄墓山。北出鄧尉山。至虎山橋。渡水出有里等山。正幹自玄墓跌柴莊嶺。起米堆山。落平穿田。陡起穹窿山。爲入蘇州之祖山。左出鳳凰。右行嶧塢。中幹落平洋。渡水而起遮山。分枝出北鳳凰。穿田至烏龍山。正幹自遮山開帳。穿田起貞山。開帳起馬肝山。開帳穿田。梅花累累。過峽由南毛塢走八字

10

塢。出爾陀嶺。過鷄窠嶺。起竹塢。分支走華山。過賀九嶺。出象山。過爬石嶺。頓起陽山。爲蘇州左肩之帳角。游開渡水出虎邱。遶齊門。渡水環至葑門而止。右股自穹窿落脈香山。渡水起兜峯山。分枝落平。走入太湖。起東洞庭山莫釐峯。高亦插漢。與縹緲峯對峙。爲湖濱正結之華表。正出自兜峯山落平。渡水頓起堯峯山。走七子至吳山。爲蘇州右肩之帳角。右出吳山嶺。前去落平。逆環至湖濱而止。吳山正出走上。方跌磨盤山。行春橋渡水出五龍橋之南。復渡水分枝向南。而結吳江震澤縣城。正出松江縣城。青浦縣城。止於上海之黃浦江。

(二)河流之交匯。至於水之界脈甚廣。難以悉載。今特舉其大略以明之。黃山左脅之水。出太平。下長江。右脅之水。出徽嚴。下浙江。同交合於東海。天目左脅之水。走郎溪。歷宜興。轉常州。出江陰君山。會長江之水。同至寶山。天目右脅之水。出泗安。下太湖。出大浦港。遶嘉興。歷松江。入黃浦至寶山。與左水合襟。同入東海。啄木嶺左脅之水。下太湖。出通湖橋。入鵝肫蕩。出蠡口。入金鷄湖。下吳淞江。入黃浦。啄木嶺右脅之水。下太湖。出大浦。入黃浦江。遶上海。與吳淞江左水合襟。至胡港口會。左太倉

之水。同出寶山海口。天平山左脅之水。流龍池。出白馬澗。歷白洋灣。虎邱。出山塘橋。遶齊門。兜婁門。至葑門。天平山右脅之水。流水閘頭。歷西津橋。出楓橋。上塘。渡僧橋。轉閘門。南濠胥門。兜盤門至葑門。與左水合襟。同入金雞湖。是以黃山分水。交合於東海。天目分水。交合於寶山。啄木嶺分水。交合於上海。天平分水。交合於葑門。此明證也。就近而推遠。即鄱陽湘江常德之分合。皆可知矣。復以常鎮通海諸山爲龍左抱。內環長江淮泗之水。以嘉杭紹甯諸山爲虎。右遶。內環浙江曹娥之水。前以金雞湖黃浦江東海爲明堂。朝鮮日本爲案。後以天平啄木嶺天目黃山爲帳爲樂。如此大觀。乃南龍一最大地。所以蘇州富貴甲於天下。而上海財賦。爲東方冠也。

(三) 滬濱之形勢。吳淞乃東南一大水口。捍門雄壯。疊鎖重關。冠於他省。上溯蒲葦塘與小澗水會。肇家濱至七堡復會。一股由蘇州西來。一股由松江南來。至陸家嘴角。二水合流。是南北一大環局。內有鴨富石頭崇德等沙。峙於水口。外有崇明島橫枕爲案。第吳淞海潮逆入。占十倍於來水。洋津一局先受。以故殷富甲天下。論入局大勢。百步橋爲天關。陸家浜爲地軸。浦東一帶。則推水應沙。美租界正迎海潮。財源盛旺。法租界稍次。正局

英租界居中。問英租界正位在江濱乎。曰否。大水盪城割脚。宜退後半里。臨以崇臺傑閣。方能收起全局。然則沿江無旺地乎。否否。後天能補先天。但觀各處填砌水滸。如短沙拱衛。沿外灘一帶。外國銀行獨多也。說者謂。大馬路曠盪不收。宜牆門店。自設氣口爲佳。櫃臺利於坐東面南。然元運已有變遷。且短街口不能以此爲例也。下砂出煞。建保安司徒廟(紅廟)宜其香火日盛。至今不衰。此北部逆局大較也。論上游順局。申城爲正。吳淞雖爲總水口。但至此潮水漸小。故順多逆少。肇家一浜。橫亘城中。旺氣所鍾。迭爲推移。初則龍運在吳淞江。故盛於西門。西門昔有東西婁浦兩河。河闊十丈可運糧。今已水涸氣散。龍運在黃浦江。故盛於東門。岸沙漲闊可徵焉。南市不逮北市者。亦順多逆少之兆也。南門腰落。正氣在肇家浜。左入城者。昔日已建道署。中落正氣。在肇家浜。右入城者。復創縣治。先賢佈置。眞厘毫不爽哉。中落縣署。左老學宮。右育嬰堂。此捍門在虹橋。香火亦盛。自方浜外入城之末落。則推邑廟。大園假山爲少祖。內園爲顙門。廟後一帶。後有新河。而生氣漸衰。南部大略如此。第推將來之旺氣。非如是止也。

(四) 上海之將來。綜以上山水之大勢而論。上海外有揚子江。錢塘江。兩水之環繞。

而會於海。內有黃浦蘇州河之夾送。而合於吳淞。來龍之長。氣脈之厚。無與比京。誠乃東南一陽宅大地也。惟海潮暗拱。十倍於順流。潮固有益於上海。但潮汐時漲時退。人事亦因之有盛有衰。大盛必有大衰。此地氣所使然。非人力所能止也。回憶上海昔日之巨富。不知有幾何人。而今安在哉。上海市場。固專在謀利。但能本其個人良心行事。不欲暴富。亦不致驟貧。似較穩當。此乃天時與地理之真詮。亦人事興衰之樞紐也。不過今日上海人心趨勢。與舊日道德相離太遠。只顧一己之利益。不思有害於他人。其事固不在一端。然綜而論之。愛國恤貧之心理。似欠濃厚耳。有人云。上海三運係旺運。四運係當運。四運自民國十三年甲子起。至民國三十二年癸未止。故數十年來上海日見發達。五運恐不及以前之興盛。盛極而衰。固為天道之循環。實亦人心所造成。今欲解決上海將來趨勢。根本辦法。必先提倡舊道德。如人人良心發現。有資本者不囤積日用必需品。將原有者盡量售出。則物價必大跌。市面繁榮。人心安定。此為治標之辦法。良心固欲其現發。而資金之運用。亦不能不顧及。否則徒託空言。資本家最好將資金多設工廠。自造國貨。既可免舶來品之價貴。又可多養無數工人。貧民受益。資本家亦獲利。此為治本之辦法。人心即天

心。人心善。則天降祥。人心惡。則天降災。地氣之興衰。固在世運。而挽回世運。又全在人心。欲保持大上海之繁榮。應由滬上人士共發天良。以維持之。使其不致於日見崩潰。否則貧者日益增加。閭閻不安。終恐富者亦不能保其富耳。已有之上海尚難保持。何況新開河之市面。更不必論也。

- 164 -

又六三	又	六二	六一	又	六〇	五九	五八	五四	五三	五〇	四八	四七	四六	四一
一〇	一六	八	二五	二〇	一九	一七	一一	一五	一四	三	一七	二六	八	二〇
二八	二六	二二	一四	一八九	三八九	七	一五	九	五樓下	三十四五	三二	八	三四	一七
棟	何	末	是	寅申	非十	先	隅	住	受字落	出卦	何	認	催	倘
指	向	未	足	申寅	十非	還	偶	在		卦出	向	忍	生	倘
七九	又	又	七五	又	又	又	七四	七三	又	七二	七一	又	六八	六四
二五	一七	一二	七	二五	二二	一〇	六	八	一〇	九	三	二四	一八	一六
六	二三	二一	二	二	二六	三〇	一六	一	三八	二〇	二	二九	三四	九
占	日	眼	所	攔	水	山	宮	其	男	駝	承	吉	坎	之
衍文	日	眠	衍文	欄	衍文	出	官	與	切	馳	蒙	善	八	為

賴公鈴記

公諱文俊字敬仙。祥采山元之。至正三年入越。著大八鈴。後復遊會稽。著記。明初。越人得於瑞安劉氏。其在山陰會稽蕭山者。共三十六記云。



大八鈴

其一 山陰天樂鄉新堂校山內

青化山頭天樂龍。大峯小峯環相送。何家一老生。絕貴。端嚴色相。類如童。坐憑玉几。廟門闊。印牌牙。傍羅心胸。明堂內外萬馬馳。排衙隊仗千人宗。盈湖水涵玉兔鏡。白峯透露金烏踪。神湖象日過龍窟。朝暮波濤洶。擎天柱石挿天漢。怪獸登鎖長江。乾坤鍾毓產英傑。誰敢對我爭英雄。

其二 戴鼻西化山

中华古籍库

1000000 册 高清影印古籍

珍版刻印 / 海外流传 / 家传手抄 / 民间失传

古籍善本、经史子集、史料笔记、古人文集、
民间收藏、传世家谱、各地方志、中医典籍、
四库全书、古禁毁书、内阁文库、图书集成、
丛书集成、四部丛刊、万有文库、四部备要、
二十四史、三国六朝文、明清和民国古籍史料
.....



<https://www.fozhu920.com/list/>